

NAA NDI NGA KUNDA HANI?



Kha ri kotamise zwifhaṭuwo zwashu ri ite thabelo.

Khotsi ashu, ri a U livhuwa, matsheloni ano, kha itshi tshifhinga tshavhuđi tsha u dovha ra kuvhangana, na kha u vula Ipfi la Murena, ri tshi Li vhea hafha phanda hashu. Huno—huno nga thabelo zwino, uri Muya Mukhethwa u do dzhia tshine tsha vha Mudzimu, huno wa ri disela Tshone, uri ri kone u tuwa afha fhethu ha nduvho ḥamusi ri na mbilu dzo takalaho dzo ḥalahalo dakalo. Vhona maanda Au mahulwane a phuluso, Murena, uri a phulusa hani mathubwa nahone a a vhofholola, a ri ḥivhadza “zwithu zwe zwa vha zwi hone, na zwi re hone, na zwi no do da.” Huno ri a U livhuwa fhedzi kha izwi zwithu.

² Ri rabela uri U do ri fhaṭutshedza musi ri tshi guda Ipfi ḥau zwino rothe. Huno musi ri tshi ṭuwa, ngavhe zwi tshi ambiwa mbiluni dzashu, musi ri tshi tshimbila ndilani, “Mbilu dzashu dzo swa ngomu hashu musi Wone, Muya Mukhethwa, u tshi amba na riñe musi ro vha ri ndilani.”

³ Fhaṭutshedza mushumeli muñwe na muñwe ḥamusi, huñwe na huñwe, vhalanda Vhau who imelaho Iyi, Ngoho Yau. Fhindula thabelo dzavho dza vhalwadze. Fhodza mivhili i lwalaho ya avho vha no tambula.

⁴ Murena, ri do humbela uri U do ya nn̄da vhukati ha vhathe huno wa ḥoda iyo mbeu yo tiwaho henefho nn̄da, Murena, huno wa i ḥisa ngeno, nga iñwe ndila, uri Tshedza tshi do wela ndilani, Murena. Ngauri, ri tenda uri awara i khou ṭuwesa, ḅuvha li khou godima nga u ḥavhanya vhukovhela, zwenezwo hu si kale hu do vha “tshifhinga a tshi tsha do vha hone.” Tshifhinga na Vhutshilo-tshothe zwi do ḥangana zwe the musi Mudzimu na vhathe Vhawe vha tshi ḥangana vhothe. Huno ri a rabela, Mudzimu, uri, nga itscho tshifhinga, ri do vhathe vhukati ha avho vhanne vha do ḥanganywa na Kristo, vha no vhidzwa Muselwa Wawe.

Ri thusē, ḥamusi, musi ri tshi lugisa, ri sa ḥivhi zwine la matshelo la do fara, fhedzi ro lugela u ḥanganedza tshiñwe na tshiñwe, Murena, u ya nga hune ra ḥivha, tshine Iwe wa vha natsho u tshi itela riñe. Ro ḥilugisela u Tshi ḥanganedza. Ri humbela iyi phaṭutshedzo u itela vhugala ha Mudzimu, nga Dzina la Yesu Kristo. Amene.

Ni nga dzula.

⁵ Ndo vha ndo takala ngangoho, matsheloni ano, musi ndi tshi dzhena huno nda vhona uri vha—vhathe vho kuvhangana vhothe u itela tshumelo ya Murena. Huno ri khou ḥea n̄dīvhadzo zwino ya madekwana a ḥamusi. Hu do vha na

tshumelo ya phodzo madekwana a ḥamusi. Ri ḥo vha ri tshi khou rabelela vhalwadze, madekwana a ḥamusi. Zwifhinga zwi si gathi zwe fhiraho fhedzi, vho . . .

⁶ Musi ndi tshi dzhena, Billy, murwa wanga, o mmbudza, a ri, "Hu na nzhi—nzhinga fhano, ine ya tou vha munna a shayah we a reila tshikhala tshilapfu." Huno a ri, "Ndo—ndo mu vhea lufherani, Khotsi."

⁷ Ndo—ndo dzhena ndo lenga madekwe, huno—huno nda si ye u guda nga maanda nga ha ḥohohya tshikolo tsha Swondaha ye nda vha ndi tshi khou yo amba nga hayo, matsheloni ano. Ngauralo nda dzhia notsi ḥukhu dze nda dzi dzhia kha zwe nda pfa muniwe mukomana a tshi amba, huno khadzo nda dzhia liwalwa, u itela uri ndi vhe na ngudo ya tshikolo tsha Swondaha matsheloni ano; huno musi ri tshi khou lugisa, nahone ri tshi ḥilugisela tshumelo ya nga madekwana.

⁸ Huno Billy a ri, "Hu na munna ngomu heneffo a no khou lwala." A ri, "Ndi—ndi—ndi tama vha tshi fhira hone huno vha mu vhona." Ngauralo, nda dzhena lufherani zwino. Huno mukomana wa vhukale vhu no ḥodou ḥedana na hanga, na mufumakadzi wawe, vho dzula ngomu heneffo. Huno Muya Mukhethwa wa tsela fhasi vhukati hashu lufherani zwino.

⁹ Itonu elekanya, u bula fhedzi tshumelo ya phodzo, huno A vha e heneffo. Ni a vhona? Huno A vhudza uyu mukomana zweṭhe nga ha zwe a ita, na zwe a vha a tshi khou ita, na zwe zwa vhanga khakhathi yawe, na hune a bva hone, na zweṭhe nga hae. Huno ho vha hu na murunzi muhulwane mutswu wo nembelelaho lufherani. Zwenezwo lwa thoma u vha na tshedza, u vha na tshedza, u vha na tshedza, na u vha na tshedza, zwenezwo Muya Mukhethwa wa dzhia ndango.

¹⁰ Zwino, ndi elekanya uri uyo munna u kha . . . huiwe fhetu murahu hafha zwino. Ene na mufumakadzi wawe khamusi a vha koni u dzhena tshifhaṭoni, fhedzi vho ri vha khou yo sala, naho zwe ralo, u itela tshumelo. Vha bva ḥtha fhano na fhaṭa, tsini na Yakima, Washington, huno vha reila vha dzhena. Huno ene ndi mushumeli wa Maṭhungo-maḍifha.

Fhedzi u tou vhona tshilidzi tsha—tsha Mudzimu heneffo! He, uyo munna a vha e kha tshiimiswa huno a vha na madzilafho na tshiñwe na tshiñwe. Muya Mukhethwa u tshi khou dzumbulula hezwi zweṭhe. Musi, madokotela a tshi khou lingedza nga maanda u ita tshiñwe na tshiñwe tshe vha kona, khañwe, u itela uyo munna, fhedzi zwe tou dzhia uho u kwamiwa ḥuṭuku hu bvaho ha Mudzimu, u shandukisa nyimele. Madzilafho a dzhenuwo o luga, fhedzi a tou nga tshe ra vha ri tshi ḥo tshi vhidza "khumbulelo fhedzi," ni a ḥivha. Inwi, o vha a tshi nga di ni ita uri ni ḥaṇe u vhaisala, ni a vhona, ngauri no vha ni tshi ḥo hangwa tshiñwe na tshiñwe tshe na vhuya na tshi ḥivha, musi vha tshi džhenisa uyo

mushonga kha inwi. Fhedzi Murena Mudzimu, nga ndila ine tshilidzi Tshawe na khathutshelo zwa vha ngayo! Na musi ndi sa athu vhuya nda mu itela thabelo, lo vha lo no fhela. Ni a vhona? Zwo tou dzhia itshe tshiñwe tshithu tsha Mudzimu, uho u kwamiwa huñwe, u zwi ita.

A tho ngo fanela u amba hezwi. Iina. Ndo vha ndi tshi do sedza nga hangei, nda vhona uyo munna zwino. Zwo ralo, a tho ngo ñivha arali no vha ni tshi do zwi ita ñamusi, kana hai.

¹¹ Ngei mavhalani he nda vha ndi tshi khou dzula hone, ino vhege. Ndi—ndi—ndi funa khonani dzanga henengei. Ndi holodei thukhu mitangano iyi mihulu i sa athu vha hone, ni a vhona. Huno ndi ða hayani, u tsela fhasi henengei huno nda bva nda yo zwima zwisindi na avha vharathu. Huno uyu muñta, miña, kha ndi ralo, ine nda dzula nayo fhasi henengei, zwa vhukuma ndi vhatru vhavhuði. Huno uyo munna, mukomana wa vhukuma, dzikhonani; ndi vhenevho.

Huno muñwe wavho ndi mufuni muhulwane wa—wa mmbwa dza u zwima. Huno u na tshitumba tsho dalaho ngadzo henengei ntha. Huno—huno ndo no vhona mmbwa i no zwima yavhuðisa thukhu henengei fhasi, mmbwa thukhu, yo vha i ine nda i vhidza, “hafu ya mmbwa u ya n̄ha na mmbwa mbili u lapfa,” ni a ñivha, ye—ye ya vha i tshi gidima u mona na nn̄du heneffo. Huno nda elekanya, “Nñenñe, Joe a nga si takalele u vha na tshiñwe tshithu tsho raloho!”

¹² Huno, a hu na zwiñwe, nn̄da ngei Arizona, o kundelwa u i shumisa. Yo vha i tshi dzhena kha kakituse, huno ayo o vha a tshi do vha magumo ayo. Ngauralo zwenezwo nda ri, na nñe-vho, “Ni nga si kone u vha nayo. A vha shumisi dzimmbwa ngomu heneffo, kha itshe tshipiða tsha shango. Ngauri, vhone, zwo ralo, vho tou sa kona u dzi shumisa. Vho vha vha tshi do...na vhone-vho, mutsho, nyi—nyimele ya shango li re na kakituse, huno dzo vha dzi tshi do vhulawa.” Huno zwenezwo, ngoho, mmbwa i no zwima i heneffo nn̄da, phe—phele, kana tshiñwe tshithu tsho vha tshi tshi do i vhulaha, khañwe, nga inwe ndila, arali yo vha i tshi do bvela nn̄da.

¹³ Ngauralo uyu munna a ri kha nñe, “Ni nga di sokou vha nayo.” Fhedzi a—a tho ngo kona u i džhia. Ndo—ndo i takalela. Nda ða nda wanulusa, yo vha i iiwe ya dzimmbwa dzawe dzi funwaho.

¹⁴ Huno uyu munna u na mufumakadzi wawe muñuku wa u naka na vhana vhatuku. Huno liñwe ñuvha, a thoma u bvela nn̄da nga tsha murahu nga modoro wawe, huno o vha e na uyu modoro wa Oldsmobile. Huno kubwa kwo lapfa *zwingafha*, ku tou vha tshibwanana. Huno a gidima o tshi livha a tshi kanda. Uyo Oldsmobile u tshi thula ukwo kubwa, muñanani watsho *hafha*, huno ya ku sukekanya, he matombo kha lubada a kwanya kutumbu kwakwo hafha fhasi, ni a ñivha. Huno—huno

uyo mufumakadzi mułuku, vhudzuloni ha u gidimisela kubwa ngei vhulafhazwifubo... A hu na zwińwe, vhulafhazwifubo ho vha vhu tshi do tou ku ededza nga tshenetsho tshifhinga, huno ha ku vhulaha. Ni a vhona?

Ho vha hu na muńwe mułhannga we a vha e na nne. Huno zwenezwo a tshi swika heneffo, a ri, "Arali iyo yo vha i mmbwa yanga, ndo vha ndi tshi do i thuntsha." A ri, "Ndi zwenezwo fhedzi. Nda i litsha ya tambula nga u ralo?"

¹⁵ Nda ri, "Zwo ralo, ri songo i thuntsha." Nda ri, "Kha ri lindele zwiłukunyana."

Nda ita uri muńwe na muńwe a łuwe, huno nda ya nda i rabelela. Ukwo kubwa kwa ntevhela n̄tha vuranndani. Huno ene, [Tshivhidzo tshi a takala—Mudz.] ee, ene... Ni a vhona? "Zwithu zwińwe na zwińwe zwine na zwi tama, musi ni tshi rabela, tendani uri ni a zwi wana; ni do vha nazwo, na newa zwone." "Zwithu zwińwe na zwińwe." Uyo ndi Murena Mudzimu washu. A si zwone? [Tshivhidzo tshi ri, "Amene."] U a—U a akhamadza na u mangadza. Huno zwa vhukuma ri A mu funa, matsheloni ano; huno ri a Mu lavhelela, nahone ri tshi ćivha.

¹⁶ Ndo vhona, nga lińwe ćuvha, tshi—tshivhili tsha kale, mme na khotsi a murāđo wavhuđi nga maanda wa itshi—itshi tshivhidzo tsha vhatendi. Huno mme vha, oo, ndi a humbulela uri vha tsini na ćdana, huno na khotsi vha ralo, na vhone-vho. Huno lwa mińwaha ya fumimbili uyu munna ha athu sudzuluwa na kathihi; nga mułana wawe, o tou lala tswititi. Kana, ha koni u lala nga lurumbu lwawe, kana tshińwe tshithu. O lala heneffo lwa mińwaha ya fumimbili. Hu tou vha vhualuwa! Huno mme vha ćodou edana navho nga vhukale, ndi a humbulela, huńwe fhetħu tsini na ćdana, huno itsho tshithu tsha kale tshi ḥungufhadzaho tshi tsini na u xelelwa nga ngelekanyo yatsho. Vha elekanya uri muńwe u khou dzhia zweithe zwine vha vha nazwo.

Huno nda sedza kha... seli ha ḥafula, kha rińe rothe, muswa na mualuwa, vho dzula heneffo. Huno nda ri, "Naa ri khou yafhi? Naa ri khou itani?" Huno mufumakadzi we nda vha ndi tshi khou dzula nae nga itsho tshifhinga, avho vho vha vhe mme na khotsi awe. Huno nda ri, "Ni khou ya henengei, na inwi-vho. Kokotolo, muniwe na muńwe washu." Ni a vhona?

¹⁷ Itonu zwi elekanya, lwa tshifhinganyana, ri sa athu thoma ngudo yashu. Afho ndi hone hune na khou ya. Naa ni khou kakarikelani? Uri ni kone u tshila. Naa ni khou tshilelani? Uri ni kone u fa. Ho vha hu si nga vhi vhutsilu u firisa arali ri songo ḥanganedza ndisedzo ya Mudzimu ya Vhutshilo Vhu Sa Fleli? Naa ro vha ri tshi do elekanya nga ha mini? Naa ndi mini—ndi mini tshe tsha vha tshi tshi do vha ḥalukanyoni yashu, tshe tsha vha tshi tshi do kunga tshenzhemo yashu ya

bva kha...ya ya kha tshiñwe tshithu? Mini-ha arali no vha ni na dołara dza milioni dza ḫana, nahone ni na shango ḥa—la Indiana, kana ḥiñwe shango-vho, kana na lwone lushaka, kana, u ya nga hezwo, shango ḥothe?

Inwi na tshila tshifhinga tshilapfu, ni tea u ḫa kha hezwo, na inwi-vho. Ni a vhona? Huno ni sa fhidzi, duvha na ḫuvha, tshifhinga tshothe mbilu yañu i tshi divhitha, ni khou ya tswititi kha holwo. Ni a vhona? Inwi, a hu na u wina hañu. Ni kha sia ḥa u balelwa, huno, inwi, ni tea u balelwa. Fhedzi elelwani pfulufhedziso, ya uri, “A no do lovhisa vhutshilo hawe a tshi itela Nñe u do vhu wana.” Zwino, ndi tshini tshire tsha do ḫwa tshi tshi vha tsha lupfumo u tshi wana u fhira Vhutshilo, naho no wana shango ḥothe ḥa vha ḥañu? Fhedzi, arali ni—arali ni tshi wana Vhutshilo, no wana tshithu tshihulwanesa tshe tsha vha tshi tshi nga waniwa. Ndi ḫodou...

¹⁸ Ndo sedza kha tsha monde tshanga huno nda dovha nda vhona, zwenezwino, iñwe khaphu ya tshilidzi tsha Murena. Vhege dzi si gathi dzo fhiraho, ndo vhidzelwa luñigoni. Huno murado wavyudi wa itsi tshivhidzo, kana uyu muvhili...a thi ḫodi u vhidza itsi nga maanda sa tshivhidzo. Ndi—ndi ḫodou vhidza itsi, uyo...

Vhunga ndo vha ndi tshi khou amba na vhañwe vhathu, vha ri, “Zwo ralo, ni wa tshivhidzo-de?”

Nda ri, “A thi wa...”

“Naa ni wa dinomineisheni-de?”

Nda ri, “A hu na.”

Ha pfi, “Zwo ralo, ni wa ifhio?”

Nda ri, “Muvhuso.”

¹⁹ Muvhuso! “Huno nga Muya muthihi ri lovhedzelwa ngomu ha uyo Muvhuso.” Nga Muya muthihi, rothe, ngomu ha uyu Muvhuso! Yesu o ri, “Rabelani, ‘Muvhuso Wau u de. Lufuno Lwau kha lu itwe kha lifhasi, vhunga ngei Tađulu.’” Zwino, iñwe duvha O ima phanda ha Thavha ya Phenyiso, A ri, “Ngoho Ndi a ni vhudza, zwauri vhañwe vho imaho fhano, a vha nga do thetshela lufu, u swika vha tshi vhona Muvhuso u tshi ḫa nga maanda.” Wo sumbedzwa u rangani, vhunga ro no fhira khawo, Thavha ya Phenyiso. Huno Bivhili yo ri, “Muvhuso wa Mudzimu u ngomu hañu.” Ngauralo, avha ndi vhathu vha Muvhuso vha no bula uri uhu a si haya havho. Uhu a si haya hashu. Ri khou ḫoda U ḫa ha Khosi, ya vusa Muvhuso.

²⁰ Ndo vha ndo vhidzelwa fhungo ḥa shishi, ḥa mu—mukomana wa kale we a vha a tshi nga khotsi kha nñe. Huno o...a tho ngo mu divha lwa tshifhinga tshilapfu nga maanda, fhedzi ndi elelwani duvha ḫe nda mu dzhenisa ngomu hafha u itela ndovhedzo ya mađini. Huno uyo munna u ḫo vha na minwaha ya fuñahenthiji hu si kale. Huno mufumakadzi wawe wa u

naka o mmbidza, huno ene e muongi, a ri, “O vha e na u neta tshothe ha mbilu.” Nga nn̄da ha hezwo, o vha e na... Oo, ndi vhidza... thi koni u vhidza ilo dzina. U neta ha mbilu. [Khaladzi u ri, “Ha vhudivhitha”—Mudz.] U neta ha mbilu ha vhudivhitha. Ndi a ni livhuwa. U neta ha mbilu ha vhudivhitha, na u kundelwa tshothe ha mbilu. Dokotela ha nei mafulufhelo, na luthihi. Huno uyo munna o vha a tshi khou fa, huno a mmbidzelela.

²¹ Huno nda dzhena kha Ford yanga ḥukhu ya kale, huno nda dzhena ndilani ya u ya Ohio, nga u ṭavhanya u ya nga he nda kona. Huno a tho ngo ḫivha, uri ḥinwe la malinka anga lo bva mutualoni, la kherula thaela la bva khalo. Huno ngauralo zwenezwo nda... ndi tshi swika heneffho. Nda bva tshiṭitshini tsha piṭirolo, i tshi ḥodou rwa awara ya fuminthihi n̄tha ha tshithoma. Ndo vha ndi tshi khou dinalea ngae. Ndi—ndi a mu funa. Huno ndi a ḫivha, arali—arali zwa bvela phanda, Murena a tshi lenga, mulandu, hu si kale kana ngavhuya, ri khou yo tea u khaukana.

²² Fhedzi, izwo zwi nga si vhaise U Takulelwa Ṭadulu, zwino. Ni a vhona? Hai. Vha da u thoma, zwenezwo. Avho vho tondwa, vho ṭuwaho. Vha da u thoma. Ni a vhona? Ni a vhona? “Riṇe ri tshilaho nahone ro salaho, kha U Da ha Murena, a ri nga thivheli kana ra rangela avho vho edelaho. Porompiṭa ya Mudzimu i do lila; huno vhafu vha re kha Kristo vha do vuwa u thoma. Zwenezwo musi maṭo ashu a tshi vhona vhafunwa vhashu, zwenezwo ri do shandukiswa, nga tshifhinganyana, nga u poidza ha iṭo, huno ri do ṭanganedzwa n̄tha navho rothe.” Ni a vhona? Avho vha no ṭuwa u thoma vho tondwa u fhira avho vha no khou tshila.

²³ Musi ndi tshi bva tshiṭitshini, nga awara fhedzi ya fuminthihi n̄tha ha tshithoma, Muya Mukhethwa wa ri kha nne, “U songo dinalea ngae. U do mu khaḍa, tshiṭaraṭanī hafhu, huno u do da tshividzoni,” munna a re na miñwaha ya fuṭahenthihi, a tshi khou fa.

Musi ndi tshi ṭangana na mufumakadzi wawe na vhafunwa vhawé sibadelani ngei Lima, vho mmbudza nga ha nyimele yawa. Nda dzhena, nda mu sedza ngomu heneffho. A ri, “Fhedzi u na tshiñwe tshithu tshi kanukisaho.” Ha pfi, “O—o thoma u shanduka a vha khwine, nga awara ya fuminthihi n̄tha ha tshithoma.” Ndi zwone, huno ndo vha ndi tshi do... Murena o sumbedza avho vhathu zwithu zwinzhi nga maanda, vha a ḫivha uri a tho ngo sokou zwi amba. Ngauri, vho thoma vha mmbudza, “O thoma u shanduka.” Vho ḫivha uri ndi do vha vhudza ngoho.

²⁴ Ngauralo, Swondaha yo fhiraho, musi ndi tshi khou dzhena Blue Boar Cafeteria ngei Louisville, hune nda elekanya uri vha no ḥodou swika phesente dza fumalo vha

itshi tshivhidzo vha kuvhangana nga masiari a Swondaha, u la, naa ndi nnyi we nda mu vhona a tshi tsa nga tshitarata? Ndi a ni vhudza, mbili yanga yo tetemela musi ndi tshi vhona Mukomana Dauch washu a tshi tsa nga tshitarata, zwe A mmbudza zwone kokotolo. Nda mu khaða, kha—kha tshitarata.

²⁵ Zwenezwo nda—nda vhuya fhano u itela vhusiku ha u fhedza ha Swondaha huno nda amba nga ha thoho ya vhuthihi, ya *U Vhumbana Ha Tshiga Tsha Tshifhinga*. Ngauralo... Huno zwenezwo izwo two ita uri izwo zwi khunyelele, zwe A amba fhedzi. Huno o dzula hafha tshivhidzoni namusi, henehafha tsini na riñe, sa khaphu ya tshilidi tsha Mudzimu. Musi ndi tshi mu khaða phasi ha dennde, dennde ya gesedungi ye a vha e phasi hayo, nda ri, “Mukomana Dauch, ni do luga. Ndi do dovha nda ni vhona tshivhidzoni. Ilo, ilo ndi U RALO MURENA.” Ni a vhona? O dzula hafha tshivhidzoni, henehafha zwino, Mukomana Dauch.

²⁶ Arali ndi sa khakhi, mushumeli we nda vha ndi tshi khou amba nga hae, zwifhinganya zwi si gathi zwo fhiraho, Muya Mukhethwa wo dzhena huno wa dzumbulula izwi zwithu zweþhe; wa mu vhudza ndila ye zwa bvelela, nahone wa mu vhudza zwe a ita; ndila ye zwa bvelela, ndila ye zwa khunyelela, zweþhe zwe zwa vha zwi tshi khou itea u bva tsheetsho, u swika na kha mvumbo ya muña wawe, na zweþhe nga hawo. Huno wa mu vhudza, zwauri, “Zwo fhela.” Huno mushumeli o dzula nga hangeno, kha tshanða tsha u la. Naa ni nga imissa fhedzi tshanða tshanðu, muñe wanga? Henefho, ene na mufumakadzi wawe, kokotolo, zwenezwino.

Mukomana Dauch o dzula hafha, henehafha zwino. Yawee, nnenñe!

²⁷ Naa Ha mangadzi? [Tshivhidzo tshi ri, “Amene.”—Mudz.] “Izwo zwithu zwe zwa vha zwi hone, zwi re hone, nahone zwi no do khunyelela.” Nthihi, mbili, thanzi tharu. “Zwithu zwe zwa vha zwi hone, zwe na ita; zwithu zwine zwa khou bvelela zwino; na zwithu zwi no do khunyelela.” Huno tshifhinga tshoþhe, kokotolo, kha Ipfi kokotolo. Uyo ndi Mudzimu fhedzi ane a nga ita hezwo. Oo! Naa a ri vho takalelesaho izwi zwithu? [“Amene.”]

²⁸ Zwino, tsho itisaho uri ndi dzhie tshifhinga tshitarunyana tsha nyengedzo, Billy o do tea u ya u dzhia mufumakadzi wawe na lushie. Huno a ri, “Khotsi, vha songo thoma u rera u swika ndi tshi vhuya.” Ngauralo, ndi—ndi elekanya uri o vhuya zwino. Huno ndi fanela u vha na tshifhinga tshingafho, nahoe zwo ralo. Huno ndi khou lingedza u shavha idzi awara nña dza vhuleme dzine nda ni vhea noþhe phasi hadzo fhano, huno nda tshi ita miniti ya furarúthanu, ya fuiñá, ni a vhona, nahone ndi tshi lingedza u tshi vhulunga.

²⁹ Zwino, ndo sasaladzwa nga tshiniwe tshifhinga ngei Chicago. Ndo i swikisa kha miniti ya furaru, kana tshinwe tshithu, miniti ya furaruthanu. Huno vhusiku ha Swondaha yo fhiraho yo vha i miniti ya fuiñathanu fhedzi. Billy a ri, “Vha khou khwinisa vhukuma, khotsi. Ndi pfa ndi tshi dīhudza ngavho, kha hezwo.”

³⁰ Ndi zwone, khamusi, matsheloni ano, u i ita tshifanyiso tshiñuku tsha tshikolo tsha Swondaha, a thi nga ni fareledzi. Zwenezwo ni nga bva huno na vha na tshiswiñulo tshanu, na rabela, nahone na vhuya madekwana a ñamusi u itela tshumelo dza phodzo. Ri khou yo ita muduba wa thabelo madekwana a ñamusi huno ra rabelela vhalwadze.

³¹ Zwino, arali ni tshi ðivha vhañwe vhathu-vho tsini, huñwe na huñwe, vha no lwalla huno vha tshi ðodou rabelelwa, ni vha ñise ngeno madekwana a ñamusi. Ni a vhona? Arali ni tshi tea u vha ñisa, nga iñwe ñdila-vho, vha swikiseni ngeno. Ni a vhona? Itsho ndi tshone tshithu tshihulwane, ndi, vha ñiseni ngeno madekwana a ñamusi. Ri kuvhangana roþhe. Iyo ñdila... Zwi a kondà u founa, u ya fhethu na fhethu; zwenezwo na sia muñwe, huno hu vha na vhuñipfi vhu kalakataho. Fhedzi arali ndi tshi nga vha kuvhanganya vhoþhe fhethu huthihi, zwenezwo ndi nga kona u vha rabelela. Zwino, arali ni tshi do... Arali vhathu vha tshi ðodou rabelelwa, vha... Inwi ni ri, “Vha ðo ralo?” Oo, zwa vhukuma. Vha ðo rabelelwa. Vha ñiseni. Murena a tshi funa, ri ðo vha fhano, ra rabelela muñwe na muñwe. Ngauri, ndi a pfa uri uyo mururo wa vhuraru u khou thoma u tshimbila, ni a vhona, ngo—ngomu hanga. Huno ndi—ndi—ndi ðodou rabelela muñwe na muñwe.

³² Zwino kha ri ye, matsheloni ano kha Luñwalo lwo ðoweleaho lwa kale lwe nda lu dzhia ndo dzhaya madekwe, ndi na khofhe vhukuma, huno nda ñwala Maiñwalo o engedzeaho a si gathi uri a tshimbile nalwo. Huno ndi tshi dzhia zwi no nga zwi a ðhonifhea. Ndo pfa muñwe mukomana, luthihi, a tshi shumisa ili liñwalwa. Huno nda elekanya... ndo li ñwala. Nda elekanya, “Žwo luga, ndi tenda uri iþo ndi ðo li ñwala, ngauri li nga ñi shumisea.”

Zwifhinga zwinzhi ri ita hezwo. Ndi dzhiela nzhele, vhunzhi hañu fhano, no vha ni na tshipida tsha bambiri. Huno mushumeli a nga vha a tshi khou ambà tshiniwe tshithu, huno zwenezwo ni ðo—ni ðo dia iyo mbuno, tshinwe tshithu tshi ðo rwa ngomu hañu. Huno zwenezwo arali Muya Mukhethwa u tshi khou ita izwo, zwenezwo ni ðo thoma u fhata u bva henehafho kha yeneyo mbuno, mulaedza wa Murena. Huno izwo zwo luga. Ndo dzhiela nzhele mitanganoni, huñwe na huñwe hume na ya, vhareri fhedzi na vhathu vha tshi ñwala. Izwo zwo luga. Rine—rine ri fhano, izwo ndi zwe ra dela zwone fhano, ndi u lingedza u thusana nga tshashu kha ñdila dzenedzi.

³³ Huno zwino kha ri vule kha Dzinzungbululo, ndima ya 3, kha zwikhathi zwa tshivhidzo, ri tshi dovholola tshikhathi

tsha tshivhidzo. Fhedzi zwino rine ri...rine...heneffo. Iina. Ndi nga dzhia ili liñwalwa lithihi, huno nga Muya Mukhethwa, nda rera nga Hañ lwa miñwaha ya dana huno na kathihi nda si kone u bvisela nn̄da zwine zwa vha Khalo. Ngauri, kha ili liñwalwa lithihi, vhunga mañwe mañwalwa oþe a Bivhili, Lo vhofhekanywa.

Huno ndi todou dzhia thoho yanga, matsheloni ano, ya heli: *Naa Ndi Nga Kunda Hani?* Zwino, ndo nanga iyi ngauri ndi elekanya uri ndi tshifhinga tshire ra sa tee u litsha Muya wa mvuseledzo u tshi fa. Ri tea u dzula ri kha mvuseledzo, ri tshi vusuludzwa ri sa fhidzi, duvha liñwe na liñwe. Paulo o ri o do tea u “fa duvha liñwe na liñwe, uri Kristo a kone u tshila.” Huno a ro ngo fanela u litsha iyo mvuseledzo i tshi fa, ngomu hashu.

Zwino, Dzinzungbululo, ndima ya 3, huno ri tshi thoma nga ndimana ya 21, ri vhala heli.

Kha uyo ane a kunda Ndi ðo mu tendela u dzula na Nñe ngomu ha khuluñoni yanga, vhunga na Nñe... kunda, huno nda dzula na Khotsi anga ngomu ha khuluñoni yawe.

Uyo a re na nðevhe, nga a pfe zwine Muya wa vhudza zwivhidzo.

³⁴ No dzhiela nzhele mbe—mbekanyo dza ilo? Ni a vhona? “U ðo dzula na Nñe ngomu ha khuluñoni Yanga,” hu si “kha khuluñoni Yanga.” “Ngomu ha khuluñoni Yawe,” afho ndi kha muvhuso Wawe. Ni a vhona? Huno heneffo, vhunga—vhunga Kristo e Muvhusi, Muvhusi wa khuluñoni nga tshino tshifhinga, wa muvhuso wo fhelelaho wa Mudzimu, ngauralo Tshivhidzo tshi ðo vha Nae, Muselwa u ðo vha Nae, ngomu ha khuluñoni Yawe, muvhusoni woþe. Ni a vhona? Hu si “kha khuluñoni Yanga,” fhedzi “ngomu ha khuluñoni Yanga,” ni a vhona, hune muvhuso Wawe wa swika. Khuluñoni i vhusa muvhuso, huno—huno muvhuso u swika hune mikano yawo ya swika. Huno uyu u bva kha Vhutshilotshoþe u ya kha Vhutshilotshoþe. Itonu zwi elekanya!

³⁵ Zwino, musi ri tshi guda izwi, ndivho yanga ya izwi a i tou vha ya u da fhano u—u vha na vhutama na vhoiñwi vhathu. Zwine, ndi a zwi funa u ita hezwo. Fhedzi arali—arali ndo vha ndi na tshikhala tsha u ita hezwo, ndo vha ndi tshi ðo da hayani hanu, huno nda ni khaða nda amba na inwi, huno nda dzula fhasi, nda switula na inwi; huno nda dzula fhasi, fhasi ha murunzi wa muri, huno nda amba nahone nda vha na vhutama lwa tshifhinganya.

Fhedzi musi ri tshi ða fhano, ri fhano nga ndivho nthihi fhedzi. Iyi ndi nn̄du ya khakhululo. Iyi ndi khuluñoni. Iyi ndi khuluñoni ya Mudzimu, huno khaþhulo i bva i nn̄duni ya Mudzimu. Huno fhano ndi hune ra kuvhangana, ra kuvhangana nga lufuno, nga tshashu, vhunga Vhakriste vhe vhone fhedzi

vhané vha nga funa. Fhedzi, ngomu hafha, rine ri—rine ri fhasi ha vhu—vhu—vhu—vhurangaphanda ha Muya Mukhethwa. Muya Mukhethwa u vhukati hashu. Huno ri fhano u...u disedzulusa, u vhona fhethu hune ra balelwá hone, u kundelwa hashu, na uri ri nga kona hani u swika hune ra tea u vha hone, ra ya hune ra tea u vha hone zwino; hune ra vha hone, na hune ra tea u vha hone. Huno izwo ndi zwine ra zwi guda. Vhashumeli vha guda afho fhethu, u itela vhathe vhathe. Musi vha tshi vhona vhathe, u shaya, zwenezwo vha thoma kha hezwo.

³⁶ Zwino, hu si kale, ndi elekanya uri khamusi tshivhidzo tshi tea u vha tshi tshi khou dzhia fhedzi liganyana la u ya n̄ha nga tshino tshifhinga. A thi pułani u zwi ita matsheloni ano, u sumbedza izwi zwithu. Fhedzi ndi—ndi elekanya uri, zwenezwino, Murena a tshi funa, ri sa athu rera nga ha idzo Porompita, ndi ḥoda u—u—u disela Tshivhidzo tshiñwe tshithu fhedzi tshine—tshine na tea u tshi divha, ndi a tenda, zwino.

³⁷ Huno zwino ri khou amba nga ha heli, “u kunda.” Ipfí u kunda, a hu na zwiñwe, ni a divha zwine la amba. Ni tea u vha na tshiñwe tshithu tshine na kunda. Huno itshi tshikhathi tsha tshivhidzo tshe Muya Mukhethwa wa vha u tshi khou amba nga hatsho hafha, kha Tshikhathi Tsha Tshivhidzo Tsha Laodikea, vhunga ri kha di bva u fhira khatsho, tsho vha tshi tshi tea u kaidziwa. Laodikea tsho do tea u kaidziwa, nga n̄wambo wa u sa vha hatsho—hatsho na dzangalelo kha Kristo. Tsho vha tsho no vhea Kristo nn̄da, kha—kha tshikhathi tshavho. Huno Kristo o vha e nga nn̄da, a tshi khou lingedza u vhuyelela ngomu. Ulwo ndi lufuno. Nga murahu ha musi O no bvísula n̄duni Yawe Ene mune, o vha a tshi khou lingedza u vhuyelela ngomu, huno a ri, “A no do vula munango, Ndi do dzhena khae.” Ni a vhona? Tshivhidzo, tshone tshiñe, tshothe, tsho Mu bvísela nn̄da.

³⁸ Fhedzi zwino dzhielani nzhele. Mbidzo Yawe hafha a si ya u ya kha tshivhidzo fhedzi. “Ane a kunda.” Ni a vhona? Hu si tshivhidzo; itsho tsho vha tshi tshi do vha wa musadzi, ni a vhona, muvhili wa tshivhidzo. Fhedzi ndi “ane a kunda,” muthu a no do kunda, zwino.

³⁹ Laodikea ho vha naho hu tshi da khatsho. Zwino ri a vhona, zwenezwo, ri tshi divha uri itshi ndi Tshikhathi tsha Laodikea, nahone ri tshi divha uri itshi tshikhathi tshi ḥoda u kaidzwa nga vhuhali hu bvaho ha Mudzimu. Tshi ḥoda u kaidzwa nga vhuhali. Huno vhafunzi vhashu vha tshi thoma u sa londa nga maanda na u sina, vhunga vhañwe makhulu vha munna vho aluwaho kha vhaduhulu vhavho, misi yothe tshine vha ita tsho fhelela. Nahone vha....

⁴⁰ Zwo ambiwa nga maanda, zwauri Mudzimu ndi Mudzimu wavhudzi nga maanda, u swika vha tshi lingedza u ita Mudzimu makhulu vha munna vhahulu vho sinaho fhedzi. Ni a vhona?

Fhedzi Ha hezwo. Ndi ene Khotsi, nahone Khotsi wa u luga, wa khakhululo. Huno lufuno tshifhinga tshothe ndi lu khakhululaho. Ni a vhona? Lufuno lu a khakhulula. A hu londwi uri lu vhaisa nga ndila yo vhifhaho hani, lu kha di khakhulula.

Mme wa vhukuma u do khakhulula vhana vhawe. Khotsi wa vhukuma u do khakhulula. Ni a vhona? Arali na sokou vha a sa londi na o sinaho, nahone na zwi litsha. . .

⁴¹ Ndo vha ndi tshi khou pfuka danda la kale liinwe duvha, fhasi ti-tivhani, kana tshire tsha vhidzwa dindi. Huno nda fhufhela ntha ha ili danda. Nga nnnda, lo vhonala li lavhudzi, lo vhonala li tshi nga danda lihulu la kale la muri wa daka. Fhedzi musi ndi tshi fhufhela khalo, oo, gwati lihulwane lalo la wa. Lo vha lo sina vhukuma nahone li tshi khou sina. Nda ri, "Iyo ndi ndila ine Vhakriste vha khou vha ngayo." Vho no fa tshivhini na dziphambuwoni, lwa tshifhinga tshilapfu, u swika vha tshi sina. A vha tsha vha na tshireme, na luthihi. Vhone—vhone a vha divhi zwine u kunda ha amba. Huno ndi thoma u elekanya nga ha ili liinalwa, zwenezwo. Kundani, vhulungani Vhutshilo kha inwi. Musi vhatshilo ho bva, izwo ndi zwe zwa disa ilo danda kha nyimele iyo. Ni a vhona? Huno zwo li ita uri li naqne u vhifha u fhirisa musi li kha davhi he maadi a vha e hone.

⁴² Huno zwenezwo, heneffo, ni dzhia Mukriste, ane a tea u vha Mukriste, i ri ni Vhutshilo ha Mudzimu vhu bve khae, na tshenzhemo, dakalo la u shumela Kristo; nahone, a tshi khou tshila tshivhidzoni hune zwo raloho zwa khou bvelela, u sina kavhili nga u tjavhanya, heneffo, a tshi khou tshila heneffo.

⁴³ Ngauralo, arali ri tshi khou lingedza u tevhela Mulaedza wa awara, kana zwatsho itsi tshipida tsha Mulaedza, ri tea u tshila ri sa fhidzi Vhutshiloni ha Kristo. Ni a vhona? Ngauri, arali u sa iti, ni a didzulela, huno na divha Izwo, izwi zwithu zwine na tea u zwi ita, huno na sa zwi ite. Bivhili yo ri, "Ane a divha u ita tsho lugaho, huno a sa tshi ite, khae ndi tshivhi." Zwenezwo ni a sina, o sinaho, musi no fhandekanywa na Vhutshilo ha Mudzimu. Ngauralo, lusani nga zwothe zwi re kha inwi, u dzula Vhutshiloni ha Kristo, uri ni vhe a anwaho mitshelo.

⁴⁴ Ri vhona itsi tshikhathi tshire ra khou tshila khatsho. Ndi tshiinwe tsha zwikhathi zwavhudisa tsha zwikhathi zwothe. Itsi Tshikhathi Tsha Tshivhidzo Tsha Laodikea ndi tshavhudisa tsha zwikhathi zwothe zwa tshivhidzo, ngauri ndi u guma ha tshifhinga na u tangana ha Vhutshilo-tshothe. Huno, zwenezwo, ndi tshikhathi tshihulwanesa tsha zwivhi. Hu na zwivhi zwinzhi kha tshino tshikhathi u fhira zwe zwa vhuya zwa vha hone. Nahone maanda a Sathane a—a kondza lunzhisa u lwa nao u fhira zwe a vha e zwone kha tshiinwe tshikhathi-vho. Ni a vhona? Phano!

⁴⁵ Murahu hangei kha zwikhathi zwa u ranga, Mukriste o vha a tshi nga, nga nthani ha u pika hawwe uri ene ndi wa

tshivhidzo...ha u vha wa Kristo, o vha a tshi nga tumulwa thoho nga n̄wambo waho. O vha a tshi nga vhulawa, huno a bviswa kha thambulo yawe, huno a ya u ḥangana na Mudzimu, nga u ḥavhanya.

Fhedzi zwino swina lo dzhena, nga dzina la tshivhidzo, huno li fhura nga maanda. Itshi ndi tshikhathi tshihulwane tsha vhufhura. Musi, Kristo o ralo, "Mimuya mivhili i do vha tsini na tsini nga maanda maduvhani a u fhedzisela u swika zwi tshi fhura Vhanangiwa vhenevho arali two vha zwi tshi konadzea." Ni a vhona? Ni a vhona? Ni a vhona? Elelwani, Kristo o amba nga ha vhathu vho nangiwaho vha duvha la u fhedzisela. Ni a vhona? "Zwi do fhura Vhanangiwa vhenevho arali two vha zwi tshi konadzea." Tsini na tsini nga maanda! Vhathu vha tshila nga ndila ine, vhathu vha nga tshila vhutshilo ho kunaho, vhukhethwa; vha sa vhe vha zwivhi, dziphombwe, na vhanwi, na vhazwifhi, vhagembuli. Vha nga tshila nga nthā ha hezwo, huno vha di vha vha si Nalo. Izwo ndi zwone.

⁴⁶ Itshi ndi tshi—tshikhathi tsha Vhutshilo, Vhutshilo ha Kristo sa muthu, hune, khe—khemiki ya Muvhili Wawe, ye ya vha i Khae.

Tsha u thoma, kha u itwa o lugaho, ndovhedzo ya madini. Tsha vhuvhili, kha Mbebo ntswa, ya Wesley, khethefhadzo, i no ḥanzwa. Huno tsha vhuraru, kha ndovhedzo ya Muya Mukhethwa, i tshi dzenisa uyo mudzio wo khetheaho tshumeloni. Ni a vhona? Ipfi u khethefhadza li amba, ndi ipfi-mbumbano la Tshigerika li no amba "wo ḥanzwiwaho nahone wa lugiselwa tshumel," wa lugiselwa tshumel. Zwino Muya Mukhethwa u u dzenisa tshumeloni. Ni a vhona?

⁴⁷ Huno ri do dzhela nzhele, "Musi myua wa tshika wo bva kha muthu, u tshimbila fhethu ho omaho." Izwo ndi zwone kokotolo zwe tshivhidzo tsha ita, Vhabaphuthisi, Vhamethodisi, avho vho tendaho kha khethefhadzo. "Zwenezwo," Yesu o ri, "muya wa tshika we wa bva, u vhuyeleta kha uyu muvhili wa tshivhidzo huno wa wana nn̄du yo tondiwa, yo swielwa ya kuna, u tshi khou tshila vhutshilo ho ḥambaho, ho ḥanzwiwaho." Zwo luga. "Fhedzi-ha arali iyo nn̄du i songo dadzwa, ya dzuliwa, zwenezwo u a dzhena na mañwe madimonni mavhi a sumbe o vhifhesaho u fhira zwe wa vha u zwone, huno tshiiimo tsha u fhedza tsha afha fhethu tsho vhifha kasumbe u fhira zwe ha vha hu zwone lwa u thoma." Who vha vhe khwine u dzula vhe vha Luther, u fhira zwe zwa vha zwi tshi do vha zwone u ḥanganedza itsho Tshedza huno vha kundelwa u Tshi tevhela. Na Vhapentekostała vha do ralo, ni a vhona, ni a ḥivha zwine nda khou amba zwone, nn̄du yo tondiwa.

⁴⁸ Musi ndi tshi khou amba na muñwe, liñwe duvha, o ri, "Vha na vhulondi nga maanda, na vhunzhi ha zwigwada zwa vhukhethwa, u sa vhidza Muya Mukhethwa, [Tshiisimane tshi

na maipfi mavhili a “Muya”: “Spirit” na “Ghost”—Muṭal.] ‘Muya Mukhethwa,’ [“Ghost”] ngauri vha dibadekanya na Vhapentekostała musi vha tshi ita hezwo. Vha ri, ‘Muya Mukhethwa,’ [“Spirit”] ni a vhona, vha litsha u ri, ‘Muya Mukhethwa.’” [“Ghost”] Ngauri, vha Pentekoste, vhathe zwavho, vha tou U vhidza zwine Bivhili ya ri, “Muya Mukhethwa.” [“Ghost”] Zwine, Muya Mukhethwa [“Spirit”] na Muya Mukhethwa [“Ghost”] ndi tshithu tshenetsho tshithihi. Fhedzi vha na vhulondi khazwo. A vha ḥodi u bađekanywa na avho vhathe vha no amba nga dzindimi; huno uyō ndi Muya Mukhethwa, [“Spirit”] Wone une. Ni a vhona?

Ho bvelelani-ha? Musi swina, lo bvaho kha khethefhadzo, le la ṭanzwelwa nnđa, lo vhuya murahu huno ḥa wana nnđu i songo dadzwa Muya Mukhethwa, zwino muvhuso wa tshivhidzo ndi murađo wa—wa liga ya zshivhidzo, na Khoro Ya Liphasi Ya Dzigereke. Huno ndi muvhuso zwino une wa i ṭanganya na sisteme ya Roma Katolika na zwiňwe zwe the zwayo, huno zwino yo vhifha kasumbe u fhira zwe ya vha i zwone musi i tshi bva kha sisteme ya Luther. Afho ndi hone hune muthu a i dzhia.

⁴⁹ Huno zwenezwo sedzani kha Tshikhathi Tsha Tshivhidzo Tsha Laodikea nga murahu ha musi tsho no ṭanganedza Muya Mukhethwa, huno tshi na ndivho na Muya wa Mudzimu ngomu Hatsho, huno zwenezwo mishumo ya Mudzimu i landulwa ngatsho, huno tsha I vhidza “mushumo muvh.” Zwenezwo mini-ha nga hezwo? Henehfo ndi hune Kristo a bviselwa nnđa ha tshivhidzo Tshawe Ene muňe. Ni a vhona? O... Na kathihi a tsho ngo tsha Mu sumbedza tshivhidzoni u swika tshi tshi ḫa kha Laodikea; huno musi A tshi swika kha Laodikea, O vha o no bviselwa nnđa ha tshivhidzo Tshawe, a tshi khou lingedza u vhuyeleta ngomu.

⁵⁰ Zwino, ni a vhona, u itwa o lugaho a ho ngo Mu dzhenisa ngomu na kathihi. U khethefhadza ho tou Mu ṭanzwela fhethu. Fhedzi musi ndovhedzo ya Muya Mukhethwa i tshi ḫa, yo Mu dzhenisa kha vhathe. Huno zwino vho Mu furalela, musi A tshi thoma u Disumbedzisa, uri Ha shanduki mulovha, ḥamusi, na lini na lini. Vho Mu furalela nge vha dinomineitha, huno mu—Muya wa Murena a u tendelani na dinomineisheni yavho. Ni a pfelesa zwino? [Tshivhidzo tshi ri, “Amene.”—Mudz.] Izwo, vho Mu bvisela nnđa. “A ri ḥodi u vha na mushumo na uhu u vhala muhumbulo. Ndi—ndi ḫa Diabolo. Ndi u bvumba mashudu. Kana...” Ni a vhona?

A vha pfelesi. “Maṭo, huno a vha koni u vhona; dzindevhe, huno a vha koni u pfa.” Ni a vhona? Mudzimu u vula fhedzi maṭo A tshi funa. “U rindidza ane A rindidza, Ane a funa, huno—huno—huno a ḥea Vhutshilo avho vhane A tama u ralo.” Izwo ndi zwe Luňwalo lwa amba.

⁵¹ Zwino, ri vhona awara dzine ra vha khadzo, tshino tshifhinga, huno ri vhona zwe tsha vha tshi zwone. Huno Muya Mukhethwa u khou kaidza tshikhathi tshe tsha Mu bvisela nn̄da. Fhedzi, kha hezwo zwe the, naa no dzhela nzhele, “Kha uyo ane a kunda”? [Tshivhidzo tshi ri, “Amene.”—Mudz.] Na kha itsho tshikhathi tsha shango, tshivhi tsha tshivhidzo, “Ane a kunda.”

⁵² Ri wana hafha uri Mudzimu tshifhinga tshothe o vha e na vhakundi. O vha e na vhakundi kha tshikhathi tshiñwe na tshiñwe. Tshifhinga tshothe, tshifhinga tshiñwe na tshiñwe, kha tshikhathi tshiñwe na tshiñwe tshe tsha vha hone kha lifhasi, Mudzimu tshifhinga tshothe o vha e na muñwe we A kona u vhea zwanda Zwawe khae, sa thanzi lifhasini. Ho ngo vha a si na thanzi na kathihi, naho nga tshiñwe tshifhinga o vha e na muthihi fhedzi. Fhedzi muñwe muthu u a kunda, zwino, vhunga vhakhethwa vha kale.

⁵³ Huno mu—munna wavhuđi nga maanda, tshikola, o vha a tshi khou ri, nga murahu ha *Mapfundo A Sumbe*, o ri, “Mukomana Branham, inwi ni mu—muthaiphi, mudzia-u-fanyisa, kha ndi ri,” ha pfi, “naa shangoni ni khou yo vhea hani itsho Tshivhidzo kha U Takulelwa Tađulu hu si na tshifhinga tsha Matungu, nga tshifanyiso?” A ri . . .

Ni a vhona, arali tshi tshifanyiso, hu tea u vha na . . . hu tea . . . Arali hu na tshi no lwa na tshifanyiso, hu tea u vha na tshifanyiso tshine itsho tshi no lwa na tshifanyiso tsha bva hone. Huno tshiñwe na tshiñwe tshine nda amba, tshi re ngoho, tshi na tshifanyiso. Tshi na tshifanyiso. Ni na murunzi. Huno Bivhili yo ri, “Zwithu zwa kale zwe vha zwi murunzi wa zwithu zwiswa zwi ḫaho.”

A ri, “Fhedzi zwino no dzhia Testamente Ndala sa murunzi. Zwino,” a ri, “naa ni khou yo itani nga itsi Tshivhidzo?”

⁵⁴ Uyu munna u bva . . . Munna muhulwane, mudededzi muhulwane ane a vha khonani khulu yanga, munna muvhuya nga maanda, huno ndi mukomana wavhuđi. A—a thi nga lingedzi u amba ipfi ndi tshi lwa na mukomana. Ndi nga si do ita, naho zwe ralo. Sa—sa . . . Sa Mukriste, ndi nga si ambe tshithu tsha u lwa nae. Ha—ha—ha tendelani na nne kha iyo ḫoho nthihi, fhedzi ndi—ndi mukomana wanga wa vhuđhogwa. Ri la rothe. Huno, oo, u tou vha muthu wa mathakheni. Ndi dzhia magazini wawe, nda vhala maanetshelwa awe. Huno u nwala mañwe anga, na zwiñwe-vho. Huno ndo dzhia mañwalwa manzhi kha zwe nda—nda vhala—vhala kha maanetshelwa awe, zwe nda pfa a tshi amba. Ndi munna muhulwane, fhedzi ene—ene u tou sa tendelana na nne. Ndi a zwi takalela hezwo, zwa vhufulufhedzei hawe. Naho a sa tou, muñwe wa avha vha no kwengweledzea, u tou tea u tendelana na tshiñwe na tshiñwe tshine na amba. U na muhumbulo wawe

ene muñé, huno u a u imelela. Ndi a zwi takalela hezwo. Huno ndi munna muvhuya. Oo, a—a thi mudededzi kana tshikola, na luthihi, fhedzi munna uyu ndi mudededzi na tshikola zwothe vhuvhili hazwo.

⁵⁵ Fhedzi ndi—ndi nga si tendelane nae, ngauri a thi zwi vhoni. Fhedzi, a zwi kwami tshidzo, zwi kwama U Da ha Murena. Ene u vhona uri Tshivhidzo tshi tea u fhira kha tshifhinga tsha Mañungu, u itela u ḥambaba. Ndi ri Malofha a Yesu Kristo o ḥambisa Tshivhidzo. Ni a vhona? A tshi ḥodi...

Ndi tenda uri tshivhidzo tshi fhira kha tshifhinga tsha Mañungu, dzangano ḥa tshivhidzo, fhedzi Muselwa ha ralo. Naa no vha ni tshi nga nanga musadzi we na do tea u mu ḥambisa ni sa athu mu mala? Ni a vhona? Muselwa wa Kristo o khethiwa, huno O Nangiwa. Huno Ndi Muselwa wa Mudzimu, Muselwa wa Yesu Kristo.

⁵⁶ Huno zwino a ri, “Naa ni khou yo fanyisa hani izwo, arali uyo Muselwa a tshi ḥuwa, a tshi gonya A sa athu fhira kha tshifhinga tsha Mañungu?” Ha pfi, “Ndi na Luñwalo lune lwa ni sumbedza uri Tshivhidzo tshi kha tshifhinga tsha Mañungu.”

Nda ri, “Edzonu vhala Pfundo ḥa Vhurathi, ndi zwenezwo fhedzi, tshi henehafho kha tshifhinga tsha Mañungu. Fhedzi wanulusani, phanda ha hezwo, Muselwa o no di ḥuwa. Ni a vhona? U Vhugalani nga itshe tshifhinga. Ha na u ḥambaba.” Ni a vhona?

“Ane a Ntenda u na Vhutshilo ha lini na lini, huno ha nga dzheni kha u ḥaṭwa kana Khaṭhulo, fhedzi o bva lufuni a dzhena Vhutshiloni.” Kristo o nea pfulufhedziso ya uri a ri nga vhuyi ra ima Khathuloni. Ngauralo O dzhia fhethu hanga nga fhedzi, u swika ndi tshi vhofholowa vhukumakuma. Musi ndo hangwelwa, ndo hangwelwa. Naa A nga mmbvisa hani vhengeleni ḥa thundu, e na rasithi i vhonalaho, arali... Naa A nga vha hani Murengululi wanga, huno a mmbvisa vhengeleni ḥa thundu, huno murengisi a ḥwa a tshi ri ndi wawe? Ndi na rasithi yo ḥwaliwaho, amene, ni a vhona, yo ḥwaliwaho nga Malofha a Yesu Kristo. Ni a vhona? Zwino, kha hezwo, hafha ndi hune ra ḫa.

A ri, “Zwino, naa ni khou yo, fhandekanya hani uyo Muselwa o nangiwaho ane na khou amba nga hae zwino, naa ni khou yo vhea hani Ilo kha tshifanyiso?”

⁵⁷ Nda ri, “Zwavhudi nga maanda.” Ndi ri, “Ngeli. Zwino, kha Mateo, ndima ya 27 na ndimana ya 51.” Arali ri...

Kha ndi dzou li vhala, huno zwenezwo ro—ro li wana zwavhudi. Zwenezwo ri wanulusa arali yo vha yo thaiphiwa kana hai, arali i Muselwa o nangiwaho. Mateo, ndima ya 27 na—na ndimana ya 51. Zwo luga. Ri vhala heli, kha u vhambwa ha Murena washu.

*Huno, vhonani, lupila lwa thembele lwa kheruwa
nga vhukati u bva n̄tha u tsa fhasi; . . .*

⁵⁸ Zwino, uyo wo vha u mulayo. Mulayo wo guma henehafho. Ngauri, lupila lwo ita uri tshivhidzo tshi vhe kule na zwithu zwikhethwa zwa Mudzimu. Ndi tshifhe fhedzi o doliswaho o dzenahao ngomu henehfo, huno, izwo, luthihi nga n̄waha. Ni a ezelwa? [Tshivhidzo tshi ri, “Amene.”—Mudz.] Zwino, Mudzimu, nga tshanda Tshawe Ene muñe, dzhielani nzhele, “u bva n̄tha u tsa fhasi,” hu si u bva fhasi u ya n̄tha. Ndi fithi dza fuina u ya n̄tha. Dzhielani nzhele, hu si u bva fhasi u ya n̄tha, fhedzi “u bva n̄tha u tsa fhasi,” zwo sumba uri zwo itwa nga Mudzimu. A kherula lupila nga vhukati, zwenezwo nangwe, muñwe, ane a funa, a nga da nahone a wana mukovhe wa vhukhethwa Hawe. Ni a vhona? Zwo luga.

*. . . u bva n̄tha u tsa fhasi; huno lifhasi la dzinginyea,
na matombo a fhanduwa;*

*Huno zwalo zwa vulea; huno mivhili minzhi ya
vhakhethwa vho edelaho ya vuwa,*

*Huno vha bva zwaloni nga murahu ha mvuwo
yawe, . . . dzhena mudini mukhethwa, huno vha
vhonala kha vhanzhi.*

⁵⁹ Ngoyo uyo Munangiwa, uyo Muselwa. A si vhothe vha tshivhidzo tsha Vhayuda vha vuwaho nga itsho tshifhinga. Vhothe vho ita tshiñthavhelo tshi fanaho. Vhothe vho vha vhe fhasi ha malofha o shuluwaho a ngwana. Fhedzi ho vha hu na Tshigwada tsho nangiwaho; huno itsho Tshigwada tsho nangiwaho, zwenezwo tshivo tshi tshi da, avho vhe zwa vhukuma vha Tshi tenda nga vhufulufhedzei. Zwino ndi khou da kha ipfi u kunda. Zwino li fareni heþo. Avha vhe zwa vhukuma vha kunda, nga u fulufhedzea vha tshi ita tshidzimu tshi fanaho tshe vhañwe vhavho vha ita, fhedzi, nga vhufulufhedzei, vha kunda zwithu zwa shango. Musi tshipfumelo tsho itelwa vhone nga ndila yone, vho vha vhe pharadisoni u swika kha ilo litambwa nga itsho tshifhinga. Musi itsho tshifhinga tsho itwa, vho vha vho no kunda nahone vho vha vha tshi khou awela, vho edela; ni a vhona, “mivhili minzhi ya avho vho edelaho buseni,” ni a vhona, vho edela.

⁶⁰ Zwino, arali ro vha ri na tshifhinga, ro vha ri tshi do humela kha Daniele, musi, Daniele, uyo munangiwa we a kunda. Huno O ri, “Vala Bugu, Daniele, ngauri iwe u do awela fhethu hau. Fhedzi musi Mukololo a tshi do da, ane a do imela vhatu, iwe u do vuwa afho fhethu.” Ngeyi. Daniele, uyu muporofita wa Mudzimu, o vhona tshifhinga tsha vhufhelo tshi tshi da. Huno A ri, “Daniele, u do vuwa fhethu hau nga ilo duvha.” Huno o vha e hafha, a vuwa; hu si vhothe vha Israele, fhedzi tshifanyiso tsha Muselwa tsha Israele. Zwino, vhañwe vha Israele a vha vuwi u swika kha mvuwo ya nyangaredzi.

⁶¹ Huno zwino, kha U Da ha Murena Yesu, avho vhane zwa vhukuma vha funa U Da Hawe, vha no khou tshilela hone; musi A tshi bvelela lutomboni, Tshivhidzo tsho faho tshi kha Kristo tshi do vuwa, huno avho vha do shandukiswa nga tshifhinganyana. Vhañwe vhavho a vha nga ñivhi tshithu nga hazwo. Elelwani, “Vho bvelela kha avho vha re muñini.” Ni a vhona? U—u—u U Takulelwa Tañulu hu do vha nga u ralo. Ri do vhonana, nahone ri do vha vhona. Vhañwe vha shango a vha nga vha vhoni. Tshi do dzhiwa nga u ñuwa nga ndila ya tshipphiri. Ho lindelwa itsho tshifhinga!

Zwenezwo u vhuya murahu kha lifhasi u itela Nwahagidi wa vhugala, zwenezwo miñwaha ya tshigidi . . . “Vhañwe vhafu a vho ngo tshila lwa miñwaha ya tshigidi.”

⁶² Huno zwenezwo ha da mvuwo ya nyangaredzi, hune, Israele yothe. Huno nahone, sedzani hangei, vhaapostola vha fumimbili, vhomakhulukuku vha fumimbili, vhothe vho imelwa. Huno a ri athu swika kha hezwo. Khamusi, Murena a tshi funa, ri do dzhena khazwo kha Testamente, nga ndila ye idzo mbondo dza jasipere, na matombo a fumimbili, khoro dza fumimbili, mitheo ya fumimbili, izwo zweþhe zwe imelwa. Ngevha kha khuluñomi dza fumimbili, vhadinda vha vharunwa vha ayo maðuvha, u ñea khaþhulo kha avho vho landulaho mulaedza wavho. Amene. Henefho hu ða iyo awara khulwane. Iina.

⁶³ Ndi duvha-de nandi, ndi tshifhinga-de nandi tshine ra khou tshila khatsho! Nga ndila ine ra tea u ñola, Tshivhidzo. Zwino ri amba nga ha izwi zwithu zwi daho, zwi no do da. Zwino, ñamusi, kha ri humele murahu hafha huno ri vhone, ri ðitole huno ri vhone arali ri henefho kha Lutendo.

⁶⁴ Zwino kha ri ambe nga ha vhakundi vha si gathi lwa miniti i si gathi, maðuvhani a tshifhinga tsha Noaxe, e a fanyiswa nga Yesu Kristo, sa a no nga a ñamusi.

Ndi dzhia uri ndi na miniti ya fumi. Zwino ndi do vha ndi kha hafu ya awara. Ndi kha ði bvou thoma, siatari la u thoma. Ndi do pfuka mañwe ao a si gathi, arali ndi tshi kona. Huno nda wana mini . . .

⁶⁵ Tshifhingani tsha Noaxe, tshifanyiso tsha ñamusi: Yesu o amba nga hatsho, huno a ri, “Sa zwe zwa vha zwi zwone tshifhingani tsha Noaxe, zwi do ralo kha U Da ha Murwa-muthu. Tshifhingani tsha Noaxe, zwi do ralo kha U Da ha Murwa-muthu.” Dzhielani nzhele, ho vha ñu na ilo shango loþhe la musi muðalo u sa athu da, khañwe kha vhathu vha dzimilioni, ho vha hu na vhakundi vha malo. Vhathu vha malo vho kunda, avho vho vha vhe vhakundi vha vhukuma, vha vhukumakuma. Ho vha hu na vharwa vhararu vha Noaxe na vhafumakadzi vhavho, na Noaxe na mufumakadzi wawe. Ho kunda vha malo, vhe vha dzhena gungwani nga tshifhinga

tsho fanelaho. Naa vho zwi ita hani? Vho thetshelesa Ipfi la Mudzimu. A vho ngo valelwa nn̄da ha vothi. Vho valelwa vothi vho no vha ngomu.

⁶⁶ Oo, khonani dzanga dzi funwaho, ni songo litsha ilo vothi li tshi valwa. Yesu o ri, “Sa zwe zwa vha zwi zwone nga ilo ḫuvha, zwi do ralo kha U Da ha Murwa-muthu.” (Ndi a ni livhuwa, mukomana.) “Zwi do ralo kha U Da ha Murwa-muthu.” Zwino, hu na muñwe a no do valelwa nn̄da ha ilo vothi.

Vhunzhi havho vhu nga di vha ho vha na ndivho dzavhudzi, huno, “Liñwe ḫuvha, arali zwithu two raloho zwi tshi bvelela, ri do dzhena na Mukomana Noaxe, ngauri ndi muthu wavhudzi.” Fhedzi, ni a vhona, lo valela vha malo fhedzi nga ngomu.

⁶⁷ Zwino, elekanyani nga maanda zwino. Arali ni tshi khou sokou mona-mona, ni tshi vha wa tshika, dzenanai. Tavhanyani, nga u ṭavhanya, ngauri vothi li nga di vala tshifhinga tshiñwe na tshiñwe.

⁶⁸ Huno tshifhinga tshothe ho vha hu na gungwa kha ekonomi ya Mudzimu. Ho vha hu na gungwa mađuvhani a Noaxe, la u tshidzwa ha vhathu Vhawe. Ho vha hu na gungwa mađuvhani a mulayo, gungwa la vhuñanzi. Mađuvhani a mulayo, vho tevhela gungwa.

Huno hu na tshifhinga tsha vhuraru zwino; vhunga tshifhinga tsha Noaxe, tshifhinga tsha Loto, huno zwino tshifhinga tshino. Hu na gungwa zwino. Huno ilo gungwa a si dinomineisheni, nahone a si mishumo yavhudzi ine na ita. Ndi “nga Muya muthihi,” Vharoma 8:1, “rothe ri lovchedzelwa Muvhilini muthihi, kha vhupo ha uyo Muvhuso, ndovhedzo nthihi ya Muya.” A hu londwi uri ni muvhuya hani, ni muvhysi hani, tshiñwe na tshiñwe, ni kha uyo Muvhuso nga—nga ndovhedzo ya Muya Mukhethwa. Ni a vhona? Iyo ndi yone ndila i yothe ine na kunda ngayo. Ndi vhothe vha re fhasi ha Malofha o shuluwaho vha re vhakundi, ngauri ni nga si kone u kunda, inwi muñe. Ndi Ene a no ni kundela. Ni khou fulufhela.

⁶⁹ “Naa ndi do divha hani-ha, Mukomana Branham, uri nñe ndi ngomu Henefho?” Sedzesani uri vhutshilo vhune na vhu tshila ndi ha lushaka-de. Itonu sedza u mona hothe. Vhonani arali hu uri vhu tou tshila vhu tshi bva ngomu hañu, nga hone hñue. Kana, ni tea u ita nga vhuleme huno na kokodza, ni a vhona, zwenezwo inwi ni khou zwi ita. Fhedzi ni songo lingedza u zwi ita. Naa no no vhuya na lingedza? Iina. Ni songo ralo.

⁷⁰ U tou fana na u dzenisa kwanda kwa lushie bulini la tshanda, ni a vhona. Hu tou vha nñha, fhasi, nga nñha, na tshiñwe na tshiñwe-vho. Ni a vhona? Lu nga si kone u zwi ita. “Ambarani badzhi yañu, mufunwa.” Lu nga si kone u zwi ita. Kwanda ku nñha, fhasi, u mona hothe. Zwi dzhia tshanda tshañu tshi no ongolowa.

Oo, ndo takala hani, ndi kona u tou ḥekedza tshanda tshanga kha Khotsi, nda ri, "Murena Yesu, a thi koni u dzhena ngomu Henefho. Iwe nthuse. Vhea badzhi kha nne." Ndi litsha u lingedza. Itonu Mu tendela u zwi ita. Ni a vhona?

⁷¹ Arali lushie luṭuku lu tshi dzulela u lingedza, "Oo, ndi nga zwi ita. Ndi nga zwi ita." Huno u tou vha huñwe na huñwe. A nga si zwi ite.

Na inwi ni nga si kone, na nne ndi nga si kone, fhedzi arali ri tshi nga tou farelela ro tokomelwa huno ra Mu tendela u zwi ita. Itonu ḥinekedza Khae, "Fhano, Murena, nne ndi fhano. Itou—itou nnditsha ndi si vhe tshithu. Ndi—ndi a ḥinekedza. Wo vhea tshanda tshanga fhethu hu re hone." Ilo ndi gundo. Uho ndi u kunda.

⁷² Tshithu tshine na tea u tshi kunda ndi inwi muñe, muhumbulo wañu, tshithu tshañu, huno na ḥikumedzela Khae. O ni kundela. U ḥivha ndila; riñe a ri ḥivhi.

⁷³ Fhedzi tshifhingani tsha Noaxe ho vha hu na vhakundi vha malo, huno avho ndi vhone vhe vha dzhena. Who valelwa ngomu.

Zwino sedzani, dzikhonani. Ndi tenda uri izwi vha khou zwi theipha. Huno arali zwi kha thelevishini, kana hu si thele-...mpfareleni, theiphi. Tshiñwe na tshiñwe tshine na ita, inwi a no khou thetshesela zwino, kana a no do thetshesela ngavhuya, awara yo no ṭuwesa, huno ni na ndivho yavhudzi, fhedzi valelwani ngomu. Zwino, ni songo kakarika. "A si uyo a no funa, kana uyo a no gidima, fhedzi Mudzimu." Itonu tendela Mudzimu. Itonu ḥinekedzela Khae huno ni tshimbile, ni na lutendo lwo fhelelaho, lwo fusheaho, Iwa uri, "Zwe Mudzimu a fulufhedzisa U a kona u zwi ita." Hu si u vha murado wa dinomineisheni nthihi, inwe dinomineisheni, ni tshi gidimisa *itshi*, *itsho*, kana *tshiñwe*, ni tshi khou lingedza *itshi*. Itonu ḥinekedzela kha Mudzimu, huno ni tshimbila Nae, nga mulalo, no dzika, ni sa thithisei. Itonu dzulela u tshimbila Nae. Izwo ndi zwone.

⁷⁴ Izwo ndi zve nda vhudza mukomana washu ane a kha di bva u vha na tshi—tshinyalelo. Ni a vhona? "Itonu ḥinekedzela Khae. U fhano, Ene We a ḥivha zve na ita, na tshe tsha vhangu u vha hañu zwezwi na u ita nga *iyi* ndila, na izwo zweþhe. U ḥivha zweþhe nga ha inwi, huno zwino U kha di bvou ni fhindula zwine na tea u ita. Zwino," ndo ri, "tshithu fhedzi tshire na tea u ita ndi u tou ya na zwi ita. Ndi u, hangwa zweþhe nga ha tshifhinga tsho fhiraho, na tshimbila, na tshirela tshifhinga tshi ḫaho, Vhugalani na Vhuhoneni ha Mudzimu."

Vhakundi vha malo.

⁷⁵ Maduvhani a tshifhinga tsha Daniele, ho vha hu na vhakundi vhañu vhe vha kona u kondëlela mulingo wa mulilo na ndau.

Zwino, ri lavhelelwa u lingiwa. Iyo ndi ngudo yavhudzi kha mukomana wanga—wanga heneffo murahu, na ene. “A no da kha Mudzimu u fanela u thoma a lingiwa.” A lingiwa (mini?) nga Ipfi. Uyo ndi mulingo wa Mudzimu. Naa ni a zwi tenda? [Tshivhidzo tshi ri, “Amene.”—Mudz.] “Ane a da kha Mudzimu u fanela u lingiwa.” Izwo zwi sumbedza fhedzi ḥwana wa ngoho, zwenezwo, ni a vhona, a lingiwe. Huno musi mulingo u tshi da nga ha... Inwi ni nga si kone u kunda nn̄dani ha musi hu na mulingo we na ḥnewa wone. Huno musi mulingo u tshi ḥnewa, ndi u ḥdōu vhona arali ni tshi nga kona u u kunda kana hai. Huno Yesu o ri, “Kha ane a kunda,” mulingo. Mulingo ndi tshithu tshihulwanesa tshe tsha vhuya tsha bvelela kha inwi. Ndi tenda uri zwe ḥwaliwa Luñwaloni, Petro o amba, zwauri, “Milingo yashu ndi ya ndeme lwo engedzeaho kha rine u fhira musuku wa vhuthogwa.” Ndi tshifhinga tsha u lingiwa. Ndi vhutanzi vhuthihi havhudzi kha rine ha uri Mudzimu u na rine, musi ri tshi lingiwa, ngauri vhana vhothe vha Mudzimu vha a lingiwa na u lingululwa.

⁷⁶ Huno Daniele, munna, muporofita; Shadraka; Mishaka; na Abedenego; Daniele o vha e muporofita; huno uvho ho vha vhu vhuhulu ha Tshivhidzo nga ilo duvha, ndi amba, Muselwa. Ho vha hu na vhunzhi ha zwivhidzo, vha no ḥdōu swika milioni mbili vhavho vho tselu henengei. Fhedzi ho vha hu na... Uvho ho vha vhu vhuhulu ha mukundi. Huno avho vhakundi vho lingiwa. Huno mukundi muñwe na muñwe u tea u lingiwa. Huno musi vho ri, “Inwi ni humisa zwine Ipfi la amba, kana na poselwa ḥandoni i dugaho,” vho hana tshiñwe tshithu nga nn̄da ha Ipfi.

⁷⁷ Huno musi Daniele o ḥnewa mulingo, wa uri u tea u humisa zwe Ipfi la amba, uri vha tea u tshingamela thungo ya thembele, vhunga Salomo o rabela, huno U do vha phulusa kha zwithu zwothe. Mudzimu u do pfa e ngei Tađulu arali vha tshi do vha... vha sedza thungo ya thembele huno vha rabela. Huno ha pfi, “Arali muñwe muthu-vho a rabela kha mađuvha a itshi tshivhalo... Huno ri Vhaperesia vha Meda, vha kundelwaho u shandukisa kana u shandula milayo yashu. Uyo muthu u do poselwa bakoni la dzindau.”

⁷⁸ Vha mu vhetshela mureo. Ndi tenda uri uyo muporofita o zwi ḫivha hezwo. Fhedzi vho mu vhetshela tshikwekwe. O tshimbila nga u ḫitukufhadza. Musi hu tshi swika tshifhinga tsha uri a rabele... Musi, o ḫivha, fhethu ha hayani ngei Yerusalem, ho vha hu na tshithavhelo tshi dugaho kha alitari. Daniele o vha a sa ofhi idzo ḫholi. A takulela n̄tha zwitsiro, huno a posela murahu zwivalo, huno a gwadama nga magona awe, huno a posela zwanda zwawe kha Mudzimu huno a rabela. Mulandu? U tshila kana u fa, o vha e na gundo. Huno, ngauralo-ha, gundo li lihulusa u swika ndau dzi tshi kundelwa u li la. U—u a kunda.

⁷⁹ Vhone... Shadraka, Mishaka, Abedenego vho vha na gundo lihulusa u swika ndau... u swika mulilo u tshi kundelwa u vha fhisa. Ni a divha, gundo ndi tshithu tshi kondaho u swa, kana u la, kana tshiñwe tshithu. Ni a vhona? Ngauralo, vhone, vho vha vhe naļo.

⁸⁰ Ndi nga di bua muñwe mubvumbedzwa. Maduvhani a Loto, Yesu o amba nga hazwo, vho vha vhe vhararu fhedzi vho kundaho, Loto na vhananyana vhawe vhavhili. Na mufumakadzi wawe; ho ngo kunda. O—o thoma u bva. Ndi ene tshifanyiso. Ndi tama ngavhe ro vha ri na tshifhinga. Miniti dzanga dza furaru dzo fhela zwa zwino. Ni a vhona? Ni a vhona? O, o ita zwone, a tuwa.

⁸¹ Zwino ndi tea u ni nea hezwi, lwa tshifhinganya. Vhanzhi vha vho inwi vho tuwa, na vhone-vho. Vhanzhi vha vho inwi vho sia izwi zwithu, u dzhia vhuimo hanu, nga murahu ha musi no Li fhenda nga Luñwalo huno na wana uri Ndi lone. No vhona khwathisedzo ya Mudzimu Ramaandothe; hu si nga muñwe, zwe muñwe a *amba* uri ho vha hu khwathisedzo. Zwe Bivhili ya ri zwi do vha hone, huno fhano U khou zwi ita. No zwi vhona uri Lo vha li Ngocho. Ngauralo, no bva, uri ni tutshele Sodoma, ni tutshele dinomineisheni, ni tutshele zwithu zwi no ni hungelela kha ndaela; huno na tevhela Kristo, nga Muya Mukhethwa u tshi khwathisedza Ene muñe nga Ipfi la Mudzimu lo ñwaliwaho. Nga mañwe maipfi, no dzhia Bivhili vhudzuloni ha ndaela. No bva, u tevhela.

⁸² Ndi zwone, mufumakadzi wa Loto o ita zwenezwo zwithihi, ni a divha. O bva, uri a tuwe na Loto, a tevhele munna wawe, vhana vhawe, vhafunwa vhawe, fhedzi Lo vha li siho mbiluni yawe. O vha a tshi kha di funa shango. Ngauralo zwi a konadzea uri ni nga kona u thoma, huno shango la vha li kha di vha ngomu hanu. Ni a vhona? Ho ngo kunda na kathihi. Naho o vha e ndilani zwavhudzi, mafhedziselon i lo mu wisa. O do tea u sedza zwi hulu luthihi, lulapfu, lwa u fhedza. Henefho ndi hone he a fashwa hone. Ni songo vhuya na sedza murahu. Ni songo vha na dzinyemulo. Bvelani phanda na u tshimbila. Vheani thalukanyo yanu kha Khalivari huno ni bvele phanda na u ya kha Kristo. Ni a vhona?

⁸³ O thoma u bva, sa mukundi, fhedzi ho ngo kunda na kathihi. Oo, o tutshela dinomineisheni. O ralo. A bva Sodoma, e na Loto. Fhedzi o toga u humela murahu huno a tunyisa mavhudzi awe. Ni a divha zwine nda khou amba. Ni a vhona? O do tea u humela murahu. O tou kundelwa u kondelwa mu—mulingo. O do tea u dovha a sedza murahu, u vhona zwe vhañwe vhavho vha vha tshi khou ita. “Oo, ni a divha, ndo vha ndi na dziñwe khonani dzavhudzi henengei, itali. Huno, itali, izwi zwi nga di vha muito muñuku—muñuku. A thi divhi arali zwi tshi nga vha zwone kana hai. Ndi—ndi

tou vha fhedzi na ipfi ḥa uyu munna ḥazwo, naho e munna wanga. Fhedzi naho zwo ralo...” Mufunzi waṇu ndi munna waṇu, ri tshi amba nga lwa maya, ni a vhona. “Zwino, arali zwi tshi nga vha zwone kana hai, a thi ḫivhi. Khamusi ene, nzumbululo yawe yo vha i si yone.”

Zwenezwo, arali ni songo fushea lwo fhelelaho, a ni khou ḫivha lwo fhelelaho uri Ndi Ipfi ḥa Mudzimu, zwenezwo—zwenezwo ni nga si kone u ḫuwa. Ni a vhona? Inwi ni tea u vha o rengiswaho zwa vhukuma. Ni tea u ḫivha. Hu si u tou ri, “Zwo luga, ndi vhona vhaṇwe vha tshi zwi ita. Ndi vhona tshiga.”

⁸⁴ Ni a ḫivha, Israele yo thoma u bva, ndi nga amba zwenezwo zwithihi huno nda i dzenisa ngomu hafha. Vho thoma u bva, vhe milioni mbili, huno vha guma vhe vhanna vhavhili. Ndi zwone. Vho vhona mishumo ya Mudzimu. Vho vhona u vhonadzwa ha Muya. Vho vhona madembe mahulwane, a maanda a tshi itwa ngei kha ḥa Egipita, na tshiṇwe na tshiṇwe, huno vha thoma u bva. Fhedzi zwo—zwo vha zwi siho mbiluni dzavho. A vho ngo kunda. Vho sokou bva. Huno Yesu o ri, “Huno vho lovha sogani,” huno vho fa lwa U Ya Nga Hu Sa Pheli. “Muṇwe na muṇwe wavho o fa,” izwo zwi amba u fhambana ha U Ya Nga Hu Sa Pheli. Muṇwe na muṇwe wavho o sinela sogani.

⁸⁵ Fhedzi ho vha hu na vhanna vhavhili, Yoshua na Kalebe. Huno musi zwi tshi ḫa kha makhaulatshele, zwikundisi zwo vha zwi zwihiwlane nga maanda u swika vha tshi nga mabapu nga thungo havho. Yoshua a ḫavha mukosi e na Kalebe, huno a ri, “Ri kona zwihiulu u zwi ita.” Mulandu? “Mudzimu o amba nga u ralo.” Huno vho vha vhe vhakundi. Vha a kunda. Vho vha vhe vhone vhe vha vha vho tondwa, kha iļo dzangano ḫihulwane lothe la vhatu, u dzhia Muselwa wa vhukuma, o nangiwaho a dzeniswa shangoni iļo fulufhedziswaho. Yoshua na Kalebe vhe phanđa ngei nnđa, sa vho-dzhenerala vhavhili, vha vha ranga phanđa u swika mulamboni, huno vha pfuka mulambo, vha dzhena nga hangei shangoni iļo fulufhedziswaho. Mulandu? Vho tenda Ipfi, hu sa londwi uri mini.

⁸⁶ Zwenezwo, Dathani a takuwa. Dathani, kha ndi ri, a takutshedza, na Kora a ita nga u ralo, huno vha lingedza u ri, “Uyu munna u khou lingedza u ḫiita a re nga n̄tha ha riṇe vhaṇwe rothe; ndi mukhethwa lwo engedzeaho u fhira vhaṇwe.” Nga murahu ha musi Mudzimu o no khwathisedza munna nga hothe. Vha ri, “Ri do tou thoma tshigwada tsha vhatu huno ri do ita *itshi, itsho*, kana *tshiṇwe*, huno ri do ita dzangano ḫashu, ri do ita...” Huno vho fa vha lovha.

Fhedzi avho vhanna vho vha vhe na iļo Ipfi ḥa Murena, huno vha dzula Naļo, nahone vha pfukela nga hangei.

"A si uyo a no thoma; uyo a no ṭaphudza." Vhanzhi vha thoma mbambe, fhedzi hu na Muthihi a no i ṭaphudza. Hu ḍo vha na zwivhidzo zwinzhi zwi no thoma, zwigwada zwinzhi zwa vhathu. Hu ḍo vha na Tshigwada tshithihi tshi no ṭaphudza. Avho ndi vhakundi.

⁸⁷ Duvha la Loto, ee, o do tea u sedza luthihi zwi hulu, lulapfu murahu. "Oo, ndi khou tutshela *Mukeneñene* hangei, izwo zwifhinga zwavhudi zwe ra vha ri tshi anzela u vha nazwo. A thi nga do zwi hangwa na kathihi." Huno a fashwa, a valelwa nn̄da, vhunga zwe zwa vha zwi zwone maduvhami a Noaxe. O valelwa nn̄da, hu si na khathutshelo, huno a lovha. Huno tshi—tshiunga tshi kha ḫi vha tsho ima henengei ñamusi. Vha fhima (a thi ḫivhi) uri ni nga kwasha tshipida tshatsho huno tshi ḍo dovha tsha aluwa, tshiunga tsha muño. Inwi na vhuya na vhona itsho tshifanyiso tsha *Sodoma Na Gomora*, ni ḍo vhona tshiunga tsha muño tsha u thoma tshe tsha ima henefhala.

⁸⁸ Zwino, hu na phambano vhukati ha tshiunga tsha muño na Khavhu ya Mulilo. Ni a vhona? Inwi ni tea u rembulutshela thungo nthihi. Iina.

⁸⁹ Dzhielani nzhele, tshifhingani tsha Yohane Mulovhedzi. Tshifhingani tsha Yohane Mulovhedzi, ho wanala vha rathi vhe vha kunda. Zwickhathi zwe ñthe, vho vha vhe na vhakundi. Tshifhingani tsha Yohane vho vha vhe na vha rathi, avho vho vha vhe Yosefa na Maria, Sakaria na Elisabetha, Simoni na Ana. Munna na musadzi, munna na musadzi, munna na musadzi; ni a vhona, tshifanyiso tsha Kristo, Tshivhidzo; Kristo, Tshivhidzo; Kristo, Tshivhidzo; Kristo, Tshivhidzo. Ni a vhona? Ni a vhona?

⁹⁰ Dzhielani nzhele, zwi thoma kha muthu wa ñama. Hai, Mo... Yosefa, muthu wa ñama, Yosefa, naa o vha e mini? Muvhađi. Zwenezwo tshifhe, naa o vha e mini, ni a vhona? Mushumeli ñduni ya Murena; Sakaria. Huno u bva kha uyo, u ya kha Simoni, muporofita na muporofita wa musadzi. Ni a vhona?... U itwa o lugaho, u khethedhazwa, ndovhedzo ya Muya Mukhethwa. Amene. Naa a ni zwi vhoni? [Tshivhidzo tshi ri, "Amene."—Mudz.] Lwo fhelelaho. Vha rathi vha a kunda. Vhañwe vho ñthe, vho nekedza tshithavhelo tshavho na tshiñwe na tshiñwe, fhedzi avha vho vha Nangiwa. Vha a kunda.

⁹¹ Dzhielani nzhele tshikhathi tshiñwe na tshiñwe tsha tshivhidzo. Vhenevho vhathihi vha kunda musi vha, murwa muñwe na muñwe a bvaho kha tshikhathi tsha tshivhidzo tshiñwe na tshiñwe, u kunda mulingo wa itsho tshivhidzo. Ndi na Mañwalo hafha. A thi elekanyi uri zwa vhukuma ri na tshifhinga tsha u zwi ita, fhedzi ri ḫivha tshiñwe na tshiñwe tsha zwickhathi zwa tshivhidzo. Zwi a fana zwino. Zwi tou fana na muñwe ane a...

⁹² Ni a vhona, sa zwe nda amba ngei mathomoni, ni bebwa no kundiwa. Huno iyo mbebo i nga si kone u ni disa kha—kha Vhutshilo na kathihi, ngauri ni bebwa no kundiwa. Nahone ni kha shango lo kundiwaho, vhukati ha vhatthu vho kundiwaho, vhukati ha ndaela dzo kundiwaho, dinomineisheni dzo kundiwaho. Ni tea u da kha gundo nga inwe ndila.

⁹³ Zwi tou fana na volenga. Li ngafhi... Volenga, ndi a elekanya, ndi linwe la maluvha o nakesaho a re hone. Ndi takalela nga maanda ayo mavolenga mahulwane a khalala na volenga la kutivha. Ndi elekanya uri a hu na tshithu tsho nakaho u fana na volenga lihulu la kutivha, ri li vhidza volenga la madini. Nga ndila ine la vha na tshedza! Zwino, naa li bvafhi? Ndi mbeu thukhu, fhasi kha kutivha ku re na thophe, kwa mupfudze. Huno iyo mbeu thukhu, naho zwo ralo, tshedza tshothe tshire tsha do vhuya tsha penya ngomu halo, tshi ngomu halo heneffo nga tshenetsho tshifhinga, musi li kha iyo thophe. Fhedzi li tea u lusa, duvha na duvha, li tshi divha uri hu na tshiñwe tshithu. Ndi litswu. Li na tshika. Li na mupfudze. Li a suvha. Kha iyo phulamavu ine la khou tshila khayo, naho zwo ralo li vula ndila ya lo kha thophe, mupfudze, na madi, na fhethu hu sa eleli, u swika li tshi totemodza thoho ya lo nthia, tshedzani, huno la bula zwe zwa vha zwo dzumbiwa ngomu halo tshifhinga tshothe.

⁹⁴ Ndi elekanya uri uyo ndi mukundi, uyo, we a vhuya a vha tshivhini, we a vhuya a ita zwithu zwe zwa vha zwo khakhea, ha tsha vhilaela ngazwo zwino. O vhuya a ita zwithu zwe zwa vha zwo khakhea, zwenezwo, zwino ndi ngani a tshi dovha a sedza kutivhani? Ni a vhona? Sedzani, ni na....

⁹⁵ Mudzimu, nga u ta Hawe, ni a vhona, o disa iyi mbeu vhutshiloni, huno i khou divulela, ni a vhona, i tshi da tshedzani. Huno zwino, nga nthia ha izwo zwothe, yo kunda. Ni a vhona? A i dibuli fhasi *hangei*. I khou takuwa, u dibula.

Na inwi a no ngo ralo, kha tshivhi tshanu—tshanu, na vhupombwe, na tshiñwe na tshiñwe tshe na tshila khatsho. A no ngo bula tshithu. Fhedzi ho vha hu na mbeu ngomu heneffo, huno yo wana tshikhala tsha u divulela ngomu Tshedzani. Huno zwino ni kha Vhuhone ha Yesu Kristo, na Tshedza tsha Murwa. Yo bvisela nnda zwe zwa vhukuma na vha ni zwone mathomoni. Ni a vhona zwine nda khou amba? No vhona Tshedza. No fhufhuma. No vula mbilu yanu, huno zwino ni volenga.

⁹⁶ Ni a elelwa theroyanga nga ha volenga? Vhafunzi Volenga, uri vha shuma hani. “Huno, naho zwo ralo, a vha hoti. Huno naho zwo ralo, Salomo, kha vhugala hawe hothe, ho ngo ambadzwa vhunga lithihi la haya.” Vha—vha—vha—vha...Vha sedzeni. Vho dilugisela u ne...A vha dzhii tshithu vha tshi itela vhone vha. Volenga

a li londi tshithu nga ha lone line. Naa li itani? Li—li posela lunako lwaño nnđa, vhutshilo halo, uri vhañwe vha kone u vhona. Vhutshilo halo vhu a bulwa, uri vhañwe vha kone u vhona vhugala, zwine zwa vha ngomu halo, zwe zwa vha zwi khalo kha iyo thophe. Zwino li nga nñha.

Uyo ndi mukundi. U kunda thophe. U kunda zwithu zwa shango. Zwino nga fhedzi u a dinetshedzela nnđa. Muñwe na muñwe u a kona u mu sedza. Vhutshilo hawe, ni nga si kone u vhu sumba nga munwe. Ni a vhona? Ndi mukundi vhukuma. Ni nga si ambe tshithu nga hae zwino. Ni ri, “U bva thopheni.” Fhedzi haho thopheni zwino. U nga nñha hayo. Amene. Ni nga si kone zwino u sumba murahu zwe a vha e zwone. Naa zwino u mini? U nga nñha.

⁹⁷ Zwenezwo ḥotshi i a da huno ya ri, “Uyo ndi munukhelelo u mangadzaho. Ndi tenda uri ndi do ya huno nda wana tshipida tshanga.”

⁹⁸ U tou vula mbilu yawe, “Idani zwino. Zwo luga.” Tshiñwe na tshiñwe tshi dzhia khae. Ni a vhona? Ene, ndi mufunzi vhukuma. U bula Vhugala ha Mudzimu. Huno sedzani hune a bva hone. O do tea u kunda, uri a ite hezwo.

⁹⁹ Nga tshiñwe tshifhinga, wa munna kana wa musadzi o vha e muswa nahone e wavhudzi, o naka. Vho vha vhe na milingo minzhi ine vha tea u fhira khayo, fhedzi iyo vho i kunda. Ni a vhona? Vha a kunda. Zwino vha khou bula lunako lwa vhukuma lwa Kristo vhutshiloni havho. Dzhielani nzhele, u bula, nga kha thophe.

¹⁰⁰ Yesu o ri ḥea tsumbo, uri zwi itwa hani. Zwino ri ḥodou ḥivha uri ri kunda hani. Yesu o ri vhudza uri zwi itwa hani. Ni a vhona? U ḥitukufhadza! A ḥivhofha khundu, a dzhia thaula, huno a ḥanzwa milenzhe ya vhafunziwa huno a i phumula. Mudzimu onoyo wa Tađulu o ḥitukufhadza.

¹⁰¹ Riñe a ri ḥodi u ḥukufhadzwa. Izwo ndi ngazwo vhasadzi vha sa ḥodi mavhudzi avho a tshi aluwa; ndi ngazwo vha sa todi u ambara vhunga vhafumakadzi vha tshi tea u ambara. Vhunga, vhanna a vha ḥodi u ralo, ni a vhona, ndi zwenezwo zwithihi. A vha ralo. Vha, vha a ḥukufhadzea.

Fhedzi, Yesu, lu sa fhidzi! Sedzani We A vha e ene. Vhuhulwane! Ndi khou yo amba tshiñwe tshithu. Vhuhulwane vhu a ḥitukufhadza. *Khulwane* i a ḥitukufhadza. Vhuhulwane!

¹⁰² Ndo do tondwa ndi tshi wana, ndi tshi ḥangana na vhañwe vhanna vhahulwane. Huno ndi avha vhanna vhane vha vha na tshanduko ya zwiambaro, na sente dza fuñhanu tshikwamani tshavho, na u lila, uyo ndi munna a no elekanya uri u tshiñwe tshithu ngeno a si tshithu. Fhedzi ndo ima na vhanna vhahulwane, ndi khou amba vhanna vhahulwane vha re na zwanda zwa hemmbe zwo ṫahalaho, dzikhafu. Vha ni ita uri ni elekanye uri ni muthu muhulwane. Ni a vhona?

Vhuhulwane ndi u dītukufhadza. Izwo ni songo zwi hangwa, Tshivhidzo. Vhuhulwane vhu bulwa nga u dītukufhadza, hu si nga uri ni nga vha wavhudzi hani.

A thi khou amba u vha wa tshika, zwino. Ndi—ndi amba u dītukufhadza muyani. Ni a vhona? A thi khou amba u sokou bvela—bvela nn̄da huno... Na ya u t̄amba nahone na kunakisa. Izwo, ni tea u zwi ita hezwo. Ni a zwi dīvha hezwo. Ni a vhona?

Fhedzi ndi khou amba nga ha u dītukufhadza, u dītukufhadza ha vhukumakuma, hu si tshiñwe tshithu tsho ambarwaho. Tshinwe tshithu tshine tsha vha, tshine tsha vha u dītukufhadza ha vhukuma.

¹⁰³ Yesu o ri vhudza uri zwi itwa hani. U a kunda. Zwi amba... *U kunda* zwi amba “u kondelela mulingo,” izwo ndi zwone, vhunga vhakhethwa vhothe vha kale vho ita; vhunga Yesu o ita: vhukati ha maswina Awe othe, O kondelela mulingo. Tshiñwe na tshiñwe tshe A lingiwa ngatsho, O tshi kondelela. O livhana na vhulwadze, nahone Ene e Mesia, O vha fhodža. O livhana na lufu, O vhu vhuisa vhutshilo. O livhana na Khalivari, lufu Lwawe Ene muñe, O lu kunda nga u Dikumedza. Mulandu? Nga Ipfi. Ho pfi, “Inwi tshinyadzani iyi Thembele, huno Ndi do i vusa nga mađuvha mararu.” Ipfi lo amba nga u ralo. Ni a vhona? Huno vhuhoneni ha lufu, O lu kunda. U kunda lufu. Vhuhoneni ha vhudzulavhafu, O kunda vhudzulavhafu huno a kunda vhudzulavhafu. Ee. Vhuhoneni ha tshalo, U kunda tshalo. Mulandu? Zwothe nga Ipfi, na u dītukufhadza. Yawee, nn̄enñe! Ngoyo Munna vhukuma. Ngoyo Ane ni nga mu ita tsumbo yañu. Ni a vhona? O kunda tshiñwe na tshiñwe, o tshi kunda.

¹⁰⁴ Sedzani. Mulingo wo vha u Wawe. Ni a dīvha uri mini? Bivhili yo ri, “O lingiwa nga zwothe vhunga riñe, naho zwo ralo a si na tshivhi.” O lingiwa nga—nga u nwa. O lingiwa nga vhasadzi. O lingiwa nga tshiñwe na tshiñwe tshe a kona u lingiwa ngatsho. O lingiwa nga tshiñwe na tshiñwe tshine ra vha tshone. O vha e Munna, huno naho zwo ralo no vha ni si nga koni u vhea luswayo Khae. Ee, muñe wanga.

¹⁰⁵ *U kunda* zwi amba “u limuwa Diabolo kha maano mañwe na mañwe awe.” Vhathu vhanzhi vha ri, “A hu na Diabolo. Hu tou vha muhumbulo.” Ni songo tenda hezwo. Hu na Diabolo wa vhukuma. U tou vha wa vhukuma sa zwine na vha zwone kana nnyi na nnyi. Diabolo wa vhukuma, huno ni fanela u mu limuwa sa wa vhukuma. Ni fanela u dīvha uri ndi ene diabolo. Zwenezwo, tshifhinga tshenetsho tshithihi tshine na—na mu limuwa, huno na dīvha uri ndi ene diabolo na uri u lwa na inwi, zwenezwo, u kunda, ni fanela u limuwa uri Mudzimu a re kha inwi ndi muhulwane nahone u na maanda u mu fhira, uri Uyo a re kha inwi o no di mu kunda. Huno, nga tshilidzi Tshawe, a ni vhambedzwi nae. Amene. Hu na u kunda ha vhukuma, musi ni tshi limuwa.

¹⁰⁶ Inwi ni sedza murahu, na ri, “Ndi khou ita *itshi* nahone ndi khou ita *itsho*,” zwenezwo, hai, inwi—inwi, no kundwa.

“Fhedzi a hu na u laťwa kha avho vha re kha Kristo Yesu, vhane vha sa tshimbile lwa ńama, fhedzi lwa Muya.” Zwenezwo ni a limuha uri no kunda.

Huno ni a divha uri ndi ene diabolo. Ni nga si kone u ri, “Ndi na vhulwadze, huno a—a—a thi tendi uri ndi vhulwadze.” Oo, ee, ndi vhulwadze. Ni na pfuko, inwi “a ni tendi uri ndi pfuko.” Ndi pfuko. Ndi pfuko.

Fhedzi, elelwani, “Muhulwane ndi Uyo a re kha inwi u fhira uyo a re kha shango.” Ni fanela u limuha uri Muya Mukhethwa u re kha inwi wo no di kunda *itshi* tshithu. Huno U kha inwi, huno ni nga kona u kunda Ngawo. Izwo zwi na thalukanyo kokotolo, kokotolo nga ndila ye Luňwalo lwa ńwaliwa. U kunda!

Ndi tea u ćavhanya. Ndo no wana miniti ya fuiňaňhanu zwino. Zwa vhukuma ndo no fhirwa nga tshifhinga zwino.

¹⁰⁷ Dzhielani nzhele, kundani! Mudzimu a re kha inwi ndi muhulwane u fhira uyo a re khae. Mudzimu wa shango ha muhulwane u fana na Mudzimu wa Tađulu, a re kha inwi, u fhira swiswi li tshi kona u ima vhuhoneni ha tshedza.

¹⁰⁸ Zwino, swiswi li nga si kone u ima vhuhoneni ha tshedza. A thi londi uri ho swifhala hani, tshedza tshi do li dzima. Li nga si kone u ima. Vhugala! Fhedzi inwi dzhiani swiswi ńinzhi line na ćoda, huno ni lingedze u ima ni tshi lwa na tshedza nga ńshinwe tshifhinga, vhonani zwe zwa bveleta.

Uyo ndi Uyo a re kha inwi, ndi Tshedza. Huno uyo a re shangoni ndi swiswi. Ngauralo, Tshedza tsho sumbedza u kunda swiswi, huno muthu a re kha Kristo nahone u a divha uri o kunda zwithu zwa shango. Amene. A li tsha vha lithihi na inwi, na luthihi. No vhofholowa. “Tshimbilani Tshedzani, vhunga Ene e Tshedzani, huno Malofha a Yesu Kristo a ri tanzwa tshivhini tshořhe, huno ri na vhutama nga tshashu.” Khezwo.

¹⁰⁹ “Uyo a re kha inwi ndi muhulwane u fhira uyo a re shangoni.” Zwino, arali na sedza murahu, no laťwa, zwenezwo ni kha di vha shangoni. Fhedzi arali ni tshi khou tshila nga n̄tha ha hezwo, zwenezwo Uyo a re kha inwi o ni ranga phanda nga n̄tha ha swiswi.

Vhunga volenga, li nga n̄tha ha swiswi la thophe. Li nga n̄tha ha swiswi la madi a re na thophe. Li tshedzani, li tshi vhonisa lunako lwe lwa dzheniswa khaļo li sa athu ćutshela thophe. Amene.

¹¹⁰ Zwino ndi—ndi pfa ndi tshi nga Mukriste a ćavhaho mukosi. Tshe tsha vha tshi ngomu henefho nga Mudzimu, ngei mathomoni, tsho vula ndila yatsho nga, u kunda. Tshi

kunda ganda. Tshi kunda thophe. Tshi kunda mađi. Tshi kunda tshiñwe na tshiñwe, huno tsho vha tshi tshikundi, huno tsha vhonisa lunako na Vhugala ha Mudzimu.

¹¹¹ Iyo ndi ndila ine mutendi muñwe na muñwe a ita. Iyo ndi ndila ye Noaxe a ita. Iyo ndi ndila ye Loto a ita. Iyo ndi ndila. Sédzani vilinga le a vha e khalo. Iyo ndi ndila ye Mushe a ita. Iyo ndi ndila ye Yoshua a ita. Iyo ndi ndila ye Daniele a ita. Iyo ndi ndila ye Shadraka, Mishaka vha ita. Iyo ndi ndila ye Yohane Mulovhedzi a ita; Sakaria, Elisabetha. Iyo ndi ndila ye Simoni, iyo ndi ndila ye Ana, muñwe na muñwe wavho a ita. Vho kunda thophe ye ya vha i hone u mona navho nahone yo pakana ngomu havho. Vho ḥotomodza thoho dzavho nga n̄tha ha tshithu, huno vha penyisa Vhugala ha Mudzimu. Izwo ndi zwine Mukriste wa vhukuma a ita.

¹¹² Elelwani, Yesu o Mu sumbedza uri zwi itwa hani. Mađuvha a fuiña a mulingo, O lingwa u fhira muñwe muthu-vho we a vhuya a lingwa, kha mulingo wa Yesu Kristo. Sedzesani. O ri sumbedza uri zwi itwa hani.

Zwino ndi do vala, nga miniti i si gathi fhedzi.

¹¹³ Sedzani. O ri sumbedza uri zwi itwa hani. Naa O zwi ita hani? Nga Ipfi. Iyo ndi ndila ye A zwi ita, ngauri O vha e Ipfi. Huno Yesu o ri, “Arali ni tshi dzula kha N̄ne, na Maipfi Anga kha inwi,” no dovha na vhuyeleta kha Ipfi, Ipfi la pfulufhedziso. Naa Ipfi la pfulufhedziso ndi lifhio kha Mukriste muñwe na muñwe? “Muhulwane ndi Uyo a re kha inwi u fhira uyo a re kha shango.” Zwenezwo ndi kunda hani? Hu si nne, fhedzi Ipfi li re kha nne. Ipfi ndi Mudzimu. Zwenezwo ndi kunda zwithu zwa shango, ngauri ndi Ipfi kha n̄ne. “Arali ni tshi dzula kha N̄ne, Maipfi Anga kha inwi, zwenezwo itonu humbela zwine na funa.” Dzulelani u fungelela u ya n̄tha. Ni khou swika n̄tha, nga ngoho sa tshiñwe tshithu. Ni a vhona? Ni tea u da n̄tha.

¹¹⁴ Mađuvha Awe a fuina a mulingo, nga Ipfi la Mudzimu U a kunda. Ndi ḥodou bulu tshiñwe tshithu hafha lwa miniti i si gathi fhedzi. Sathane o ita midio miraru mihulwane Khae kha uyo mulingo. Sedzesani. Tshifhinga tshoṭhe khayo ndi miraru. Ni songo zwi hangwa. Ni a vhona? O ita midio miraru mihulwane, u bva kha wa n̄thesa u ya kha wa fhasisa. O lingeda zwa khwinesa u Mu kunda. Fhedzi O vha e Ipfi. Amene. Naa O shumisani? Ene muñe, Ipfi. U tshotela ha Sathane huraru hulwane kana midio Khae, fhedzi O ḥangana nayo nga Ipfi. Midio muñwe na muñwe, O kona u u ita nga Ipfi. Sedzesani izwi zwino, u bva kha wa n̄thesa u ya kha wa fhasisa.

¹¹⁵ Wa u thoma mudio wawe wo vha u kha, u shumisa maandja Awe mahulwane. Zwine, O ḥivha uri O vha e Ipfi. O ḥivha vhuimo Hawe. Ni a tenda uri O ita? [Tshivhidzo tshi ri, “Amene.”—Mudz.] “N̄ne Murwa-muthu.” O ḥivha vhuimo Hawe. Huno Sathane u a

da huno a tōda uri Ene a shumise maanda Awe Ene muṇe kha Ene muṇe, u Mū kanzwa, u tōda u kanzwa Ene muṇe. O vha e na ndala. Muthu a farwa nga ndala, a nga tōdou ita tshiñwe na tshiñwe. U do tswa, a fhura, a humbela, a pamba, tshiñwe na tshiñwe. Ni a vhona? O vha e na ulwo lutamo. Huno Sāthane o shumisa mudio wawe wa u thoma muhulwanesa Khae, u dzhia maanda Awe e A newa one a u kunda ngao huno a a shumisa kha Ene muṇe. Ho ngo a shumisa kha Ene muṇe. Hai. O a shumisa kha vhaiñwe. Izwo ndi zwone. O a shumisa kha vhaiñwe, hu si Ene muṇe. O vha e si Awe. Nangwe, O vha a tshi do vha o zwi ita. Zwa vhukuma o vha a tshi do vha o zwi ita.

¹¹⁶ Fhedzi ni a vhona uri Diabolo u vha hanī? Diabolo u tōda inwi ni tshi mu ḥogomela. O ḥogomela fhedzi zwe Khočsi a amba uri a ite. Izwo ndi zwone.

O ri, “Mulandu,” Sāthane a ri, “zwo ḥwaliwa, ‘U do laya Vharuṇwa . . .’”

¹¹⁷ A ri, “Ee, fhedzi nahone zwo ḥwaliwa . . .” Ni a vhona? Khezwo. Ni a vhona? O ḫivha uri O vha e Nnyi. Sāthane o ita . . .

Muhumbulo u dzhena fhasi u fhira zwe La ḥwaliwa. Ni a vhona? Ndi u hevhedzwa. Mbeu i nga ngomu Hało, ni a vhona, zwine La vha zwone zwa vhukuma.

¹¹⁸ Naho O vha a tshi do vha o zwi ita, Ho ngo zwi ita. Fhedzi Ene—Ene ho ngo thetshellesa luambiso lwa Sāthane.

Zwino, ngetshi tshithu tshavhuđi. Ni a vhona? Tshiñwe tshifhinga Sāthane a nga ni dzhia, huno musi ni tshi elekanya uri ni khou ita lufuno lwa Mudzimu, huno a ni itela luambiso, ni do kungwa ngalwo. Ee, muṇe wanga. A nga kona ngangoho.

¹¹⁹ Zwino kha ri tou dzhia, sa tsumbo, vhunga khaladzi dzashu. Vho naka. Huno a nga ni swikisa fhethu, hune, na litsha mavhudzi aṇu a tshi aluwa, ni songo limuha. O vhonala e avhuđi nga maanda e kha inwi, huno, tshithu tsha u thoma ni a ḫivha, ni vha na vhudipfi ha u vha o huliswaho zwiłuku, zwiłuku nga n̄tha ha tshiñwe tshithu-vho. Vhaiñwe vha vhoiñwi vhanna, ni a ḫivha zwine nda khou amba zwone. Ni a vhona? Huno a nga kona u dzhia tshithu tshenetsho tshithihi huno a ni nea luambiso. Izwo ndi zwone. Ni tea u kunda hezwo.

Itonu elelwa, ni khou tshilela Mudzimu. Ni na ndivho nthihi, huno iyo ndi Yesu Kristo. Nga nn̄da ha heyo, a hu na tshiñwe-vho tshire tsha vha tsha ndeme. Uyo ndi Ene. Zwenezwo, tsha vhuvhili, u itela muṭa waṇu. Zwenezwo, tsha vhuraru, u itela inwi. Fhedzi, tsha u thoma, u itela Mudzimu; tshi tevhelaho, u itela muṭa waṇu; huno tshi tevhelaho, u itela inwi. Inwi ni wa vhuraru; ayo ndi magumo a ndila. Ḫivheeni mafhedziselon; O ita.

¹²⁰ Sedzani zwe A vha a tshi nga vha o zwi ita. Ho pfi, “Ndo vha ndi tshi nga vhidza Khotsi Anga, nda amba Nae, O vha

a tshi do Nthumela mmbi dza fumimbili dza Vharuňwa zwino-zwino." Musi, muthihi Wavho o vha a tshi nga tshinyadza shango. Ha pfi, "Arali Muvhuso Wanga wo vha u lino shango, zwenezwo vhalanda Vhangwa vha vha tshi do lwa. Fhedzi Muvhuso Wanga ndi wa N̄tha." Khezwo. Ni a vhona? O vha a tshi nga vha o zwi ita hezwo, fhedzi Ho ngo zwi ita. Ni a vhona? Nangwe, O vha a tshi nga vha o zwi ita. Ho ngo thetshelesa luambiso lwa Saňhane.

¹²¹ Zwino, no no pfa vhatu vha tshi ri, "Arali—arali ni tshi tenda uri hu na—hu na mufhodzi wa Muya... Arali ni mufhodzi wa Muya... Iyani ni dzhie mufhodzi wa Muya wańu. Ndi na muthu hafhano, a lwalaho. Ndi do takalela u mu vhona a tshi mu fhodza." Ni a vhona uyo Diabolo onoyo muthihi? [Tshivhidzo tshi ri, "Amene."—Mudz.] U khou lingedza u ni ńea luambiso. U khou lingedza u ni ita uri ni mu thetshelese vhudzuloni ha Mudzimu. Fhedzi mulanda wa vhukuma, wa ngoho wa Mudzimu u do thetshelesa nahone a vhona zwine Khotsi a amba, u thoma. Ni a vhona?

¹²² Vhunga lushie luťuku lwa Stadsklev, musi vho rumelwa hangeno. Huno Vho-Mme Stadsklev vho ri, "Mukomana Branham, ndo founa ndi Germany." Ho vha hu na mmbi ya Amerika, i na ińwe ya dzhethe dzavho yo kavhaho ngeno nnđa mudavhini, i tshi do mphuphisela ngei Germany na u vhuya, nga duvha lithihi. O vha e mufunzi. Huno lushie lwo vha lwo lala, lwo fa. Huno uyo mme muťuku a tshi khou zhamba, a ri, "Thetshelesani!" Ha pfi, "Ndi a divha. Ndo ima henehafhalu huno nda vhona uyo musadzi o takula ulwo lushie lwo faho zwandani zwawe, lwo faho matsheloni ayo. Ndo vhona Mukomana Branham a tshi bvela nnđa henefho, a vhea zwanda kha ulwo lushie lwo faho, huno lwa tshila." Ha pfi, "Ulu ndi lushie lwanga, Mukomana Branham." A hu athu vha na lufu muťani wavho na kathihi. Ni a vhona? Huno itshi tshithu tshiťuku tsho thoma u lwalla nga mańwe matsheloni huno tsha fa nga masiari ayo.

Hafha vhoťhe vho vha vho ima u mona hoťhe, huno vha tshi khou ńea zwiporofito na zwithu, "Lushie lu khou yo vuwa," na zweťhe nga u ralo.

¹²³ Nda ri, "Zwo luga, izwo ndi zwavhuđi nga maanda, Khaladzi Stadsklev. Fhedzi i ri ni ndi vhone zwine Khotsi a amba."

Nda bva nda ya maťakani. Huno nda rabela. Nda vhuya nda dzheni; o vha o no founa luvhili kana luraru ndi sa athu humela murahu nga matsheloni a tevhelaho. A hu na tshithu.

Dokotela a ri, "Zwo luga." Ha pfi, "Arali izwo zwi zwone, arali ni na lutendo lwo raloho, mufumakadzi, ri nga si tendele lushie u ćuwa sibadela na kathihi. I ri ni lu lale henehafha. Inwi ni dzule henehafha nalwo. Izwo zwo luga."

Mukomana Stadsklev a tuwa huno a vhona madzhoro wa mmbi. Vha ri, "Ngoho. Ri ḋo lu fhufhisela hangei, nahone ra lu vhuisa."

¹²⁴ Huno ho vha hu na bufho lo kavhaho, lo lindelaho, u nnzhia la nnyisa hangei nga matsheloni ayo huno la mmibuisa vhusiku uvho, u ya Germany, u ya Heidelberg, Germany, u itela mvuwo ya ulu lushie. Nda ri, "Ngoho, Mudzimu a nga zwi ita, fhedzi kha ri vhone zwine lufuno Lwawe lwa vha zwone."

¹²⁵ Zwenezwo nda bva, nda rabela vhusiku hothe. Ha sa bvelele tshithu. Nda vhuya nga matsheloni a tevhelaho; ha sa bvelele tshithu. Huno nda thoma u ya lufherani. Nga tshenetsho tshifhinga nda sedza heneffo, huno heneffo ho vha ho ima itsho Tshedza tsho nembelela heneffo muṇangoni. Ha pfi, "U songo vhea tshanda tshau khalwo. Ulwo u songo lu kaidza. Itsho ndi tshanda tsha Mudzimu."

¹²⁶ Nda mu wana kha lutingo. Nda ri, "Khaladzi Stadsklev, swiṭani lushie lwaṇu. Ndi tshanda tsha Murena. Ndi lufuno lwa Mudzimu. Tshiṇwe tshithu tshi ḋo bvelela kha ulwo lushie huṇwe fhethu. Lu tendeleni u ya hune Mudzimu a ḋivha hune lwa vha hone. Ni nga ya khalwo zwino. Lu a tshila, a ni nga ḋoralo. Lu litsheni nga u tou ralo."

¹²⁷ Uyo mureri muhulwane wa Lutere kha la Germany a ḫwala luṇwalo huno a ri, "Ndi nga takalela hani, zwe, Mukomana Branham a lindela iyo phetho ya Mudzimu yo dzhiwaho zwavhudzi, a sa athu amba tshiṇwe tshithu."

Izwo ndi zwone. Farelelani kha phetho ya Mudzimu. A hu londwi zwine vhaṇwe vha amba, kana tshire tsha vha tshore, ni songo ambisana na Saṭhane, na luthihi.

¹²⁸ Arali Saṭhane a tshi ri, "Zwino, ndovhedzo ya madini, dzina la 'Khotsi, Murwa . . .' " Arali uyo, a tshi vhuya a ambisa, ni zwi ḥitshe. Mudzimu o amba nga iñwe ndila. Arali a tshi ri, "Ni munna muvhuya, a ni tei u vha . . . Ni musadzi muvhuya, a ni tei u ita . . ." Ni songo ita luambiso. Arali Ipfi li tshi amba tshiṇwe tshithu tsho fhambanaho, inwi ni dzule na Ipfi hu sa londwi zwine zwa vha zwone. Iyo ndi tsumbo ine Yesu a ni nea yone, huno heneffo hu na uyo mudio muhulu, ni a vhona, we a u ita Khae.

¹²⁹ Zwenezwo, mudio wa vhuvhili. Ndi ḋo tāvhanya. Hu vhonala hu tshi nga tshifhinga tshi tou tshimbila nga u tāvhanya. Mudio muhulwane u tevhelaho wo vha, wa uri o ita Khae, zwauri A vhe mudzia-u-đitana.

Huno nga ndila ine izwo zwa rwa vhalandra vha Mudzimu, u vha mudzia-u-đitana, u sumbedza zwine ni nga kona u ita. "Vhugala kha Mudzimu! Haleļuya! Ndi muphulusi! Ndi ngaurali." Ni a vhona? Ni a vhona?

¹³⁰ "Ida hafha n̄tha, nga n̄tha ha thembele, huno u dzule hafha phasi." O Mu linga uri a zwi ite. Zwino, ellewani, O lingiwa

uri a zwi ite, nga maanda. Ha pfi, "Zwino, arali U tshi ḥodou vha tshiñwe tshithu phan̄a ha vhathu, ima hafha n̄tha ha iyi thembele, fhufha." Ni a vhona? "Ndi ḥo U nea Lūñwalo lwazwo, ngauri zwe ñwaliwa, 'U ḥo laya Vharuñwa a tshi itela Iwe, uri, tshifhinga tshiñwe na tshiñwe, u sa ḥo khukhula mulenzhe nga tombo. U ḥo U takula.'" U Mu ita mudzia-u-ditana, u sumbedza maandalanga Awe.

¹³¹ A hu na mulanda wa ngoho wa Mudzimu ane a vhuya a ita hezwo. Ni a vhona munna a dīhudzaho, khana yawe i nnnda, na zweithe nga u ralo, itonu elelwa, hu na tshiñwe tshithu tsho khakheāho heneffo. Hai. Mudzimu izwo ha zwi ḥodi. Yesu o nea tsumbo. O vha a tshi ḥo vha o zwi ita. Zwa vhukuma O vha a tshi ḥo vha o zwi ita, fhedzi Ho ngo zwi ita. A hu na mulanda wa Mudzimu a re mudzia-u-ditana, wa ene muñe, u lingedza u dzhia maanda a Mudzimu huno a disumbedza e nga n̄tha ha muñwe muthu-vho.

¹³² Inwi ni a elelwa uri Mushe o ita izwo? Ni a zwi elelwa? [Tshivhidzo tshi ri, "Amene."—Mudz.] Mudzimu o mu nea maanda a u ita tshinwe na tshinwe tshe a ḥoda; a mu ita muporofita. A tsela phasi kha ilo Tombo, huno a rwa Tombo lwa vhuvhili. Izwo zwe vha zwi tshi lwa na lufuno lwa Mudzimu.

Mudzimu o ri, "Ambe na ilo Tombo. U songo tsha dovha wa li rwa. Iwe u kwashekanya tshifanyiso—tshothe—tshothe hafha. Tombo li khou yo rwiwa luthihi fhedzi." Fhedzi o amba nga ha u shaya nungo ha Ipfi musi o ita hezwo; Illo lo vha li songo edana. Iina. Ipfi ndi zwe zwa vha zwi tshi khou bvelela. Illo Tombo lo vha li Ipfi. Ni a vhona?

¹³³ Ene, lwa u thoma, o rwa Tombo huno mađi a bva. Huno zwenezwo vha dovha vha farwa nga dora. A ri, "Zwino humela murahu huno u ambe na Tombo." Lo rwiwa luthihi fhedzi. Ni a vhona?

"U sa edana ha Ipfi," Mushe o tanziela nga hao. "Ipfi lo vha li si ñone; O ḥo tea u dovha a rwiwa."

¹³⁴ Ngauralo Mushe a tsela phasi henengei huno a rwa Tombo nga u ralo, ha pfi, "Ibva!" Ho ngo bva, ngauralo a dovha a li rwa, huno a ri, "Ibva! Ndi a u laya uri u bve." Huno mađi a ña.

¹³⁵ Mudzimu a ri, "Ida hafha n̄tha. Ida hafha. Wo dīneña vhugala. Wo dzhia maanda Anga; vhudzuloni ha u hulisa Nñe, wo dīhulisa. Zwino a u khou ya nga hangei shangoni. Sedza nga hangei, vhona uri lo vha li tshi nga mini; fhedzi, fhano, u khou yo tuwa henehafha." Yawee, nnennen! Na kathihi a hu athu vha na a no nga Mushe, ni a dīvha. Hai, hai.

¹³⁶ Musi a tshi ña kha uho uditana na Yesu, o ri, "Gonya hafha thembeleni huno u fhufhe."

¹³⁷ Ene a ri, "Zwo ḥwaliwa," amene, "U songo linga Murena Mudzimu wau." Ni a vhona? O ṭangana nae nga Ipfi, kha hoyo, na mudio muñwe na muñwe muhulwane.

¹³⁸ A hu na mulanda wa ngoho ane a vhuya a ḫitana, nga—nga maanda a Mudzimu. U a ita, u a balelwa na zwenezwo.

¹³⁹ Mudio wa vhuraru muhulwane, Saṭhane o ḫoda u kumedza yu muvhuso Khae. O ita. Saṭhane a ri, "U a vhona iyi mivhuso ya shango? Iyi ndi yanga. Ndi i ita zwine nda ḫoda. Ndi ḫo U kumedza yone."

Fhedzi, elelwani, o vha a tshi khou lingedza u Mu ita uri a i kumedze nga nnda ha tshifhambano. Arali O ita, ro vha ri tshi ḫo xela. O vha a tshi ḫo vha o dzhia muvhuso. Fhedzi U fanela u tevhela . . . U fanela u vhuya. O lingiwa uri a zwi ite, zwino. Lufu ndi tshithu tshi kondaho. O lingiwa uri a dzhie mbopholowo Yawe huno a vhe Khosi ya lifhasi, nga nnda ha tshifhambano. Fhedzi, arali O ita, vhalanda Vhawe vho vha vha tshi ḫo vha vho fa. Saṭhane o vha a tshi ḫo vha o ita ulwo luambiso Nae. Fhedzi O ri, "N̄utshele, Saṭhane." Ho ngo zwi ita.

¹⁴⁰ O ḫa huno a tambula, nahone a dzhia ndila i kondaho, i gogonaho. O dzhia ndila ya mutovholo. O dzhia ndila ya lufu.

Naa riñe, matsheloni ano, ri a funa u ita, u dzhia ndila yeneyo nthihi ye A i dzhia? Naa ri a funa u fa? Naa ri a funa u dñekedzela Mudzimu, ra kumedza shango ḫothe na zwithu, u Mu shumela? Ni a vhona?

¹⁴¹ Zwino, O kundelwa u zwi ita. O funa u—u li kumedza, Saṭhane o vha o ralo, Khae. Fhedzi Ho ngo zwi ita. Nangwe Yesu o lingiwa, O ri kundela. O—O kondelela milingo yothe a tshi itela nñe na inwi. Ni a vhona? O vha a tshi nga vha o li dzhia na zwenezwo. Fhedzi O dzhielani iyo iñwe ndila? U itela uri ri ñe, ri vhe Nae. Huno arali O badela mutengo wo raloho, zwenezwo ro vha ri tshi ḫo vha vhaṭuku hani u sa u dzhia? Musi, elelwani, a hu na tshithu fhano, naho zwo ralo.

¹⁴² Arali na tshila miñwaha ya ḫana, naa ni khou yo vha mini? A lwalaho muhumbulo, huno ḫalukanyo yañu i si tsheeho, no holefhala tshothe, huno ni wa kale nahone ni tshi dzginginyea. Afho ndi hune na khou ya, huno ayo ndi magumo azwo. Inwi idani zwino, kundani itscho tshithu. Naa ni zwi ita hani? Nga Ipfi. Zwine Ipfi la amba, ni zwi ite. Tshimbilani nga u diñukufhadza. Tshilani phanda ha Yesu.

¹⁴³ O kondelela zwithu zweithe a tshi itela inwi na nñe. Ndi ene tsumbo yashu ya uri ri nga kunda hani murafho washu muvhni, vhunga O kunda murafho Wawe muvhni.

¹⁴⁴ Elelwani, musi A tshi ḫa lifhasini, ho vha hu tshi tou vha na u sa tenda hunzhi, kana ḫo engedzeaho, u fhira hune ha vha hone tshifhinga tshiñwe na tshiñwe-vho. A zwo ngo Mu dina na zwiñku. Musi vho Mu vhidza diabolo vhudzuloni ha

Mudzimu, musi vho Mu vhidza tshiñwe na tshiñwe tshe tsha vha tshi tshi nga itwa, a zwo ngo Mu dina na zwituku. O vha e na ndivho nthihi: “Thogomelani Khotsi. Vhulungani Ipfi.” Ipfi ndi Mudzimu. O vha e na thalukanyo nthihi.

¹⁴⁵ Rine tshiñwe tshifhinga ri a lingea u humela murahu. Vhunžhi hañu, ni a lingea u humela murahu kha dinomineisheni, u humela murahu huno na doba, ngauri shango loþhe li ri, “Naa ni wa dinomineisheni ifhio? Naa ni bvisa mutendelo wa tshivhidzo tshifhio?” Rine ri a lingea u ita hezwo; roþhe ri a ralo. Khaladzi dzashu dzi a lingea u humela murahu, u humela murahu huno vha vha mirado ya zwiñwe zwivhidzo, na zwiñwe zwa Dzikhuvhangano, kana zwivhidzo zwa Mudzimu, kana zwiñwe zwazwo; na di vha vha Pentekoste, na litsha mavhudzi aňu a tshi tšuniwa, nahone na ambara nga iñwe ndila-vho ine na ḥoda. Ni a vhona? Ni a lingea u ita hezwo, na humela murahu nahone na takalelwa nga uyu murafho une ra khou tshila nawo.

Musi, itshi ndi tshivhi tshihulwane tsha maduvha ashu. Ndi tshivhi tshihulwane vhukati ha vhathu vha hashu, u funa shango, vhunga Bivhili yo amba uri Laodi... Tshikhathi tsha Laodikea tsha vha tshi zwone. Tshi nga shango, “Tsho pfuma, a tshi ḥodi tshithu; a tshi diþhi uri tshi fiedzi, tshi a tungufhadza, tshi a shaya, nahone tsho swinga.” Itsho ndi tshivhi tsha ḫuvha lashu. Musi ni tshi pfa Ipfi ja Mudzimu li tshi tshi tāvhela mukosi, zwenezwo na dzhia iyo iñwe ndila, a ni takalelwi nga shango. Ni a lingea u humela murahu.

¹⁴⁶ Ndi a diþha. Inwi ni dzulela u mmbudza. Ndi a diþha uri ni khou ri, “Tshifhinga tshoþhe.” Ndi a diþha uri ni a neta nga nn̄e ndi tshi dovhola izwi zwithu. Ndi a neta ndi tshi ni vhona ni tshi zwi ita, na inwi-vho, izwo ndi zwone, itsi tshivhi tshire nda khou lingedza u ni vhudza nga hatsho. Ni ri, “Naa ni khou tshi dovholelani?” Litshani u tshi ita, zwenezwo. Ndi khou lingedza u tshidza vhutshilo hañu, nga Ipfi. Ndi a neta, na nn̄e. Ngauralo, itonu lulamisa. Itsi ndi tshivhi, a tsho ngo tea u itwa. Ee, muñe wanga.

¹⁴⁷ Rine ri tea u kunda izwi zwithu. Ri lavhelela u lingiwa ngazwo, shango. “Inwi ni tshi funa shango, zwithu zwa shango, lufuno lwa Mudzimu a luho kha inwi,” o ralo Yesu.

¹⁴⁸ Zwino ri ðo tou vala, huno nda amba heli. Hu na malamba a mukundi.

¹⁴⁹ I ri ni ndi ni vhalele tshiñwe tshithu hafha. Vulani Bivhili dzañu. Kha ri humele kha Dzinzungululo, dza 3, ndima ya 2. Sedzesani hafha zwino, izwi zwithu zweþhe zwe nda vha ndi tshi khou amba nga hazwo, u kunda. Zwino itonu disedza huno ni vhone. Diþoleni nga tshivhoni tsha maya, ni vhone arali no kunda.

¹⁵⁰ Zwino, mulaedza wa u thoma, kha-kha muruñwa wa Efeso, ndi ḥoda ni tshi thetshela zwe A amba. Huno

Dzinzumbululo, ndima ya 2, ndimana ya 7. Izwi zwi ya kha itsho tshikhathi tsha tshivhidzo, musi O vha vhudza zwe the zwe vha ita, “Vho litsha lufuno lwavho lwa u thoma.” Ndimana ya 7:

A re na ndevhe, nga a pfe zwine Muya wa vhudza zwivhidzo; Kha uyo (muthu, hu si tshivhidzo) . . . Kha uyo ane a kunda—a kunda ndi do mu nea u la zwa muri wa vhutshilo, une wa vha vhukati ha pharadiso ya Mudzimu.

Ni a vhona? Vhakundi kha ja Efeso.

¹⁵¹ Zwino, tshi tevhelaho tsho vha tshi Simirina. Zwino, kha vhakundi kha hetsho, ri thetshela hezwi. Zwino, ndimana ya 11.

Kha uyo—uyo a re na ndevhe, nga a pfe zwine Muya wa vhudza zwivhidzo; Uyo ane a kunda ha nga vhaisiwi nga lufu lwa vhuvhili.

Ni a vhona? Vha a lu kunda.

¹⁵² Zwino, itsho, zwino sedzani Peregamo, ri do wanulusa zwe mukundi a sielwa zwone, kha hetshi. Ri do vhala ndimana ya 17, i yaho kha tshivhidzo tsha Peregamo.

A re na ndevhe, . . .

Uyo, uyo ndi muthu, hu si tshigwada tshothe. Muthu, uyo ndi Muselwa a no khou bva, ni a vhona, Tshivhidzo.

Uyo a re na ndevhe nga a, pfe zwine Muya wa vhudza zwivhidzo; Kha uyo ane a kunda ndi do mu nea u la zwa mana o dzumbiwaho, huno ndi do mu nea tombo litshena, huno ngomu ha tombo dzina liswa lo nwaliwaho, line li sa qihwe nga muthu arali e si onoyo a li tanganedzaho.

Uyo ndi mukundi, wa tshikhathi tsha tshivhidzo.

¹⁵³ Zwino, tshi tevhelaho ndi Thiathira. Kha ri wanuluse zwe mukundi a vha nazwo nga ilo duvha. Kha ri dzhie ndimana ya 26.

Huno uyo ane a kunda, huno a vhulunga mishumo yanga u swika magumoni, kha uyo ndi do nea one maanda a u vhusa dzitshakha: (Izwo ndi zwone.)

Huno. . . u do vha vhusa nga mugo wa tsimbi; nahone sa mudzio wa muvhumbi vha do kwashekana vha bva zwipida: vhunga na nge ndo tanganedza zwi tshi bva ha Khotsi anga.

Ni a vhona, “Nae, ngomu ha khulunoni Yawe.” Kristo u do vhusa dzitshakha, nga mugo wa tsimbi. Huno ngetshi Tshivhidzo tshi no kunda, “Tsho dzula ngomu heneffo, Nae, u kwashekanya dzitshakha nga mugo wa tsimbi.”

¹⁵⁴ Zwino kha ri vha ise kha tshivhidzo tsha Saradesi. Zwino ndimana ya 5 ya ndima ya 3.

Uyo ane a kunda, onoyo u do ambadzwa nguvho tshena; huno a thi nga thuthi dzina lawe buguni ya vhutshilo, fhedzi ndi do bula dzina lawe phanda ha Khotsi anga, na vharuñwa vhakhethwa.

Izwo zwi ya kha mukundi kha la Saradesi.

¹⁵⁵ Zwino, kha ri dzhie zwino ndimana ya 12. Zwino, izwi zwi ya kha tshivhidzo tsha—tsha Filadelfia, kha ndimana ya 12.

Uyo ane a kunda ndi do mu ita phuphu thembeleni ya Mudzimu wanga, huno ha tsha do dovha a bva: huno ndi do nwala dzina langa khae, dzina la Mudzimu wanga, na dzina la mudi wa Mudzimu wanga, une wa vha wone Yerusaléma muswa, une wa tsa u tshi bva tađulu ha... Mudzimu: huno ndi do nwala dzina langa liswa khae.

¹⁵⁶ Sedzesani zwine mukundi a fulufhedziswa. Ni a vhona?

Zwino, zwino Laodikea, itscho ndi tshikhathi tsha u fhedza tsha tshivhidzo. Hu khou yo vha na vhañwe vhakundi ngomu heneho. Sedzesani hafha. Vha, elelwani, tshikhathi tshiñwe na tshiñwe tsha tshivhidzo, itscho tshi no khou tshi fhirela tshi wana ifa la zweo zwiñwe zwa nekedza. Sedzesani hafha nthia. Zwino, hafha, ndi nga murahu ha musi vho no tanganedza aya maanda othe, aya madzina maswa, na tshiñwe na tshiñwe tsho nwaliwa, tshe A fulufhedzisa, huno a la mana o dzumbiwaho, na u tsa fhasi hothe. Sedzesani itshi tshikhathi tsha u fhedza tsha tshivhidzo, Dzinzumbululo 3:21.

Kha uyo ane a kunda ndi do mu tendela u dzula na nne ngomu ha khuluñoni yanga, (amene), vhunga na nne ndo kunda, huno nda dzula fhasi na Khotsi anga kha khuluñoni yawe.

Uyo a re na ndevhe, nga a pfe zwine Muya wa amba kha zwivhidzo.

¹⁵⁷ Hu na malamba a vhakundi. Fungelelani, volenga. Arali zwi kha inwi, vhetshelani dubo thophe na tshiñwe na tshiñwe-vho, huno ni fungelele u swika thodzini. Ee, muñe wanga. “U dzula na Nñe kha khuluñoni Yanga.”

¹⁵⁸ Ni a ñivha, nga tshiñwe tshifhinga, mme a Yakobo na Yohane... A ri na tshifhinga tsha u zwi vhala. Mme a Yakobo na Yohane vho da huno vha humbela afha fhethu. Ni a zwi ñivha izwo? Ni a zwi elelwani izwo? [Tshivhidzo tshi ri, “Amene.”—Mudz.] “Murena, tendela murwa wanga u dzula kha lunwe lurumbu, huno na muñwe murwa wanga kha lunwe.” Ngolwo lutamo lwa mme kha ñwana wawe.

Fhedzi sedzesani. Fhedzi, “Afho fhethu,” Yesu o ri, “ho tiwa.” Uvhu vhuimo ho vha vhu siho tshifhingani itscho. Mulandu? Dzhielani nzhele. “Vhu do tendelwa avho vho lugiselwaho hone.” Mini? Uyo a no tea u dzula kha tshanda

tsha u la, huno muñwe tsinisa Nae, o vha a tshi kha di vha mukundi. Ni a vhona? Ho vha hu tshi kha di vha... A ri, “A—a thi tendeli uvhu. A thi tendeli uvhu, fhedzi vhu do newa nga murahu ha musi mulingo wo no da.” Amene. Ni a vhona? “Ndi nga si kone u nea uvhu. Fhedzi nga murahu ha musi mulingo wo no da, vha do dzula kha tshanda tsha u la na kha tsha monde. Hu na mbeu yo tiwaho yo lindelaho izwo hangei nnda. Vhu do newa avho vho fulufhedziswaho hone. Vhu do newa henengei, fhedzi mulingo a u athu da; uyo, ha athu kunda.” Ni a vhona?

¹⁵⁹ Muthu we a vha a tshi khou yo dzhia afha fhethu kha luñwe lurumbu, huno muñwe a tshi khou yo hu dzhia kha luñwe lurumbu, tsini Nae Muvhusoni, ho vha hu sa athu newa, ni a vhona, a hu athu kundiwa. Mulingo wo vha u sa athu wa. “U do wa tshifhingani tshi daho.”

“Arali ri tshi tambulela Kristo na Ipfi Lawe, ri do vhusa Nae, ngauri Ndi ene Ipfi.” Elelwani, “Arali ri tshi tambulela Ene na Ipfi Lawe, ri do vhusa Nae, kha Ipfi Lawe.”

¹⁶⁰ Dzhielani nzhele. Ene, Tsumbo yashu, o kunda, huno zwenezwo a gonya, nga murahu ha musi O kunda lufu, vhudzulavhafu, vhulwadze, tshalo. Tshiñwe na tshiñwe, O kunda. “Zwenezwo A gonya, huno a thuba mathubwa, a nea vhatu zwifhiwa.” Iyo yo vha i Testamente Ndala, na vhakhethwa vha Testamente Ndala vho kundaho. Vho ḥoda Muthu o raloho, huno vho fa A sa athu swika heneffo. Fhedzi musi uyu Muthu a tshi da, “Ho ngo thivhela avho vho edelaho.” Amene. Hu nga si balelwe, nga inwe ndila. U fa kana u tshila, zwi ita phambano-de? “A nga si thivhele.” Ni a vhona? Vho ḥoda hezwo.

¹⁶¹ Na Yobo ngei murahu, o zwi ḥoda. O ri, “Ndi a divha uri Murengululi wanga u a tshila, huno mađuvhani a u fhedzisela U do ima kha lifhasi.” Heneffo ho vha hu na munna o lugaho, munna o fhelelaho. O nekedza tshithavhelo. O ita tshiñwe na tshiñwe tshe Mudzimu a mu vhudza uri a tshi ite. O tshi ita nga khuliso na thompho. O vha e muporofita. Huno zwenezwo Sathane a da heneffo, u mu linga. (U tou fana na musi a tshi da u ni linga.) Naa o itani? O dzulela u ima heneffo.

Mufumakadzi wawe a vhuya a bvela nn̄a, a ri, “Ni nga si seme Mudzimu huno na fa lufu? Ni vhonala ni tshi tungufhadza nga maanda no dzula heneffo.”

¹⁶² A ri, “Inwi ni amba vhunga musadzi wa tsilu.” Zwino, na kathihi ho ngo ri u tsilu, fhedzi o amba vhunga lone. Ni a vhona? Ho pfi, “Inwi ni amba vhunga musadzi wa tsilu.” Ha pfi, “Murena o nea, huno Murena o dzhia; nga li fhaṭutshedzwe Dzina la Murena.” U a kunda.

¹⁶³ O kunda zwe vhadzulatsini vha do tea u amba. O kunda zwe mirado yothe ya tshivhidzo, Bilidada na avho vhothe, vha

do tea u amba. O kunda bishopo na zwe a do tea u amba. O kunda mukhadinala na zwe a do tea u amba. O kunda dinomineisheni, zwe vha do tea u amba. Huno a dzula na u itwa o lugaho ha Ipfi. Amene. Naho zwo ralo, zwo mu dzhiela tshiñwe na tshiñwe tshe a vha e natsho, na vhana vhawe. A fhala mamota nga tshipiña tsha tshikwati, o dzula kha hetshi, huno naho zwo ralo a kunda. Huno musi awara khulwane ya mulingo mafhedziselonni yo no vuledza, zwenezwo makole a kungulutshela murahu.

¹⁶⁴ O sedza tshithu tshiñwe na tshiñwe tshi pfalaho. A ri, “Hu na fulufhelo kha muri arali u tshi fa; u dovha wa tshila. Huno mbeu i tshi wela mavuni, i a sina; i dovha ya tshila. Fhedzi muthu u lala phasi huno a nekedza muya; u a tshinyala. Huno vhana vhawe vha a da, vharwa vhawe, u mu hulisa na u mu lilela; ha zwi ɬalukanyi. Ha tsha vuwa. Oo, ngoyo. Naa thaidzo ndi mini? Nñe ndi mbeu, na nñe-vho. Ndi tshiñwe tshithu, itsho ndi mbeu, huno ndi do ya mavuni. Ndi nga si tsha vuwa. Ndi do lala heneffo. Oo, ndzumbe tshaloni, mbee vhudzumbamoni u swika vhuhali Hau ho no fhira. Nnangele tshifhinga huno u nkhañule. Sa matombo a tshi mbumburea, mađi a mbumburisa tombo.” Oo, a bvela phanda, a tshi khou amba izwi zwithu zweþthe. O kona u vhona tsumbo dzoþhe heneffo nnđa, zwe dza vha dzi zwone. Oo, o tou sa zwi vhona.

¹⁶⁵ Huno, Khaladzi Rodgers, elelwani musi izwo ndi tshi zwi rera mbulungoni ya Busty. Ni a vhona?

¹⁶⁶ Nga ndila ine, izwo, “A do mbumburisa tombo,” nga ndila ine izwi zwithu. “Oo, Oo Iwe, ndzumbe tshaloni, huno u mbee vhudzumbamoni.” A dzulela u fungelela. A ri, “Ndi tama nkjavhe ndo ðivha. Ndi tama nkjavhe ndo ðivha hune ndi nga ya, kha Munna a no do vhea zwanda Zwawe kha nñe, munna wa zwivhi, na Mudzimu mukhethwa, huno a nnyambela Nae.” Yawee, nnenñe! “U Hone. Ndi a ðivha uri U Hone. Hu na Muñwe Henengei ane a nga kona u ita hezwo. Hu na Muñwe huriwe fhethu. Naa ndi nga wanafhi uyo Muthu? Naa ndi nga wanafhi? Ndi do khokhonya vothini Ławe huno nda amba Nae. Arali Muñwe muthu a tshi nga vhea fhedzi tshanđa Tshawe kha nñe, na kha Mudzimu, huno—huno a nnyitela ndila, a amba! Arali ndo vha ndi tshi nga tou wana fhedzi uyo Muthu! Oo, U ngafhi?”

¹⁶⁷ O toda tshivhidzoni tshawe. O vha o no ḥoda kha dzangano ɬawe. O kundelwa u wana Muthu o raloho.

¹⁶⁸ Huno nga khathihi fhedzi, makole a kungulutshela murahu, huno a vhona uyo Muthu a tshi da. Oo! Mbilu yaye ya kale ya divhitha nga dakalo. Zwenezwo tshiñwe tshithu tsha bvelela. “Ndi a ðivha uri Murengululi wanga u a tshila. Hu na Muthu o raloho.” Amene. Hu kha di vha na Muthu o raloho. “Ndi a ðivha uri Murengululi wanga u a tshila. Huno

nangwe, nga murahu ha musi zwivhungu zwa lukanda zwi tshi tshinyadza uyu muvhili, naho zwo ralo ɔnamani yanga ndi do vhona Mudzimu, Ane nda do mu vhona ndi tshi itela nne munę. U do ima kha ɔifhasi nga ɔuvha la u fhedzisela.”

¹⁶⁹ Nga ayo matsheloni a Mvuwo, musi O vuwa hangei, huno muvhili wa Yobo u si tsha dadza lebula la milora, o vha o lindela. O vha e itscho Tshigwada tsho nangiwaho. A vuwa tshaloni huno a dzhena mudini, na Abrahamu, Isaka, Yakobo, Yobo. Yawee, nnenę! Amene. Ngauri, vho ḥoda Muthu o raloho.

¹⁷⁰ “Huno kha avho Vha ḥodaho Kristo lwa vhuvhili,” vhane vha nga kona u kunda zwitħu zwa ċino shango, nga tshilidzi Tshawe, u dzhena Khae, nahone na vala maṭo anu kha tshińwe na tshińwe-vho nga nnđa ha Ene na Ipfi Ľawę, “U do vhonala lwa vhuvhili e Vhuglani.”

“Ngauri porompiṭa ya Mudzimu i do lila, vhafu vha re kha Kristo vha do vuwa; avho vha tshilahō nahone vho sala vha do shandukiswa, nga tshifhinganyana, nga u poidza ha iṭo, vha tanganedzwa nħha vhothe, u Mu tanganedza tuyani.”

¹⁷¹ Arali ndi lebula la milora, kana arali ndi tshi khou tshila musi A tshi da, a zwi iti phambano. Amene. A zwi na thaidzo, ngauri ndo fara bono. Lupila lwo kungulutshela murahu, huno ndi a Mu vhona. Uyo a no do ima, huno a vhea tshanda Tshawe kha nne, munna wa zwivhi, na kha Mudzimu mukhethwa. Huno Ndi ene tshipfumelo tshanga. Ndi ene Ipfi ċine nda ima naļo. “U rangani ho vha hu Ipfi.” Ndi ene iļo Ipfi, huno U a nnyimela, Hangei. Amene. Huno ndi do zwi zhambela, musi ndi tshi kha di vha na mufemo, “Ndi ene Mvuwo yanga na Vhutshilo hanga.” Huno mańwe mavu oħthe ndi muṭavha u mbombomelaho. Mańwe mavu oħthe ndi muṭavha u mbombomelaho.

¹⁷² Vhunga O vha fara avho vho ḥodaho hezwo, ngauralo U do da kha mukhethwa muńwe na muńwe wa Testamente Ntswa o kundaho musasaladzi wa dinomineisheni muńwe na muńwe, we a vhuya a kunda zwivhi zwothe zwi takalelwaho zwa ċino ɔuvha, zwa tshino tshikhathi tshire ra khou tshila khatsho zwino, vhunga O ita kha zwińwe zwikhathi zwa tshivhidzo zwothe, avho vhe vha kunda kha itscho tshikhathi tsha tshivhidzo. Avho vhane vha kunda mini? “Ndo pfuma. A thi shayi tshithu. Ndi na...Oo, ndi nne itshi tshothe na itshi tshothe. Nahone ndi nne Muselwa. Ndi nne itshi. A thi shayi tshithu.’ Huno a ni ɔivhi uri ni fhedzi, no swinga.”

¹⁷³ Ni a vhona itscho tshikhathi tsha vhufhura tshe nda tshi amba? A zwi ngi zwa avho vhe vha tumulwa džiħohoh, murahu hangei, u wana tombo litsħena; hu si avho vho faho vhe kha vhufelalutendo, huno vha fħiswa vho vħoxwa kha thanda, na zwitħu zwi no nga hezwo; vhe vha wina khare. Fhedzi ndi itschi tshikhathi tsha vhufhura zwino, tshi no elekanya uri ndi vhone

tshiñwe na tshiñwe. “Zwo luga, nñe ndi muraðo wa tshivhidzo. Nñe ndi munna muvhuya. Nñe ndi musadzi muvhuya. Ndi ita *itshi*. A thi tei u ita *Itshi*.”

¹⁷⁴ “Fhedzi uyo ane a kunda,” uyo ane a kunda izwo zwithu zweithe zwa shango zwa tshino tshikhathi, naa vha ðo itani? Vhothe vha ðo dzula Nae kha khuluñoni Yawe; vha ðo tuwa nga U Takulelwa Taðulu musi A tshi ða. Yawee, nnenñe! Naa ndi londani, zwenezwo? Naa ndi mini tshine ra tea u londa tshine shango la amba? Naa ndi mini tshine ra tea u londa tshine nnyi na nnyi-vho a amba? Muya Mukhethwa muhulwane u vhukati hashu. Khavhu ya Mulilo Yawe i ri ranga phanda nahone ya ri endedza. Ipfi Lawe li khwañisedzwa phanda hashu. Lufuno Lwawe lu mbiluni dzashu. Shango li ngei murahu. Ro bva lufuni ra ya Vhutshiloni. Shango li elekanya uri ni a penga.

Fhedzi Yesu u fanela u hwala itshi
tshifhambano e ethe,
Huno shango lothe la vhofholowa?
Hu na tshifhambano tsha muñwe na muñwe,
Huno hu na tshifhambano tshanga.

¹⁷⁵ Miñwaha ya furaruraru mudavhini, huno itshi tshifhambano tsho kumedzwaho ndi ðo tshi hwala u swika lufu lu tshi ðo mbofholola.

¹⁷⁶ I ri ni vhakomana vhanga vha nñanutshele, vha ambe tshiñwe na tshiñwe tshine vha ñoda, tshine tsha nñanutshela. Fhedzi kha ili Ipfi ndi a ima, nahome ili li lothe.

Itshi tshifhambano tsho kumedzwaho ndi ðo
tshi hwala
U swika lufu lu tshi ðo mbofholola,
Huno nda mbo ya Hayani, nga U Takulelwa
Taðulu, u ambara khare.

¹⁷⁷ Izwo ndi zwine roþe ra ñoda. A si zwone? [Tshivhidzo tshi ri, “Amene.”—Mudz.] Izwo ndi zwine ra ñoda. Ilo ndi lashu—ilo ndi lashu fulufhelo na khumbelo. A ri na miñwe mihibumbulo, nga nnnda ha uyo u re kha Yesu Kristo. Huno ri ima kha u luga Hawe, hu hoþe, na u luga Hawe kha Ipfi Lawe. “Huno Ipfi a itwa ñama huno a dzula vhukati hashu.” Huno Ipfi li kha di Dikhwañisedza.

¹⁷⁸ U kunda hani? Nga u dzhia Ipfi, pfufufhedziso, nga u ñitukufhadza, u tshimbila nga u ñitukufhadza.

Itshi tshifhambano tsho kumedzwaho ndi ðo
tshi hwala
U swika lufu lu tshi ðo mbofholola,
Nda mbo ya Hayani, u ambara khare.

¹⁷⁹ Ngauri, “Musi iyo Porompiþa i tshi lila!” Ni nga di ntswita Iwanzenhi, fhedzi Porompiþa i ðo mvusa. Ndi zwone. Nñe ndi khou ya Hayani, liñwe ðuvha. Amene. U swika zwenezwo, ndi

do kakarika, amene, ndo hwala tshifhambano itshi; maṭo anga ndi sa a vhei kha vhathu, fhedzi kha Khalivari hangei, ngauri O vha e tsumbo yanga. O sumbedza uri zwi itwa hani. Huno tsumbo Yawe, ri ḫo i tevhela ro takala, ḫuvha na ḫuvha.

Nñe ndi khou tevhela Yesu liga linwe na linwe la ndila.

Nñe ndi khou tevhela Yesu liga linwe na linwe la ndila.

¹⁸⁰ Naa izwo a ni zwi takaleli? [Tshivhidzo tshi ri, “Amene.”—Mudz.] Oo, nga ndila ine nda elekanya, nda Mu tevhela, ḫuvha na ḫuvha, liga linwe na linwe la ndila.

Kha ri rabele.

¹⁸¹ Murena Yesu, awara na miniti dza fumithanu zwino, ndo ima hafha, ndi tshi khou lingedza u dzhia Ipfi Lau huno nda li talutshedza vhathu uri vha nga kunda hani. Wo ri vhudza uri zwi itwa hani. A wo ngo ri vhudza fhedzi, fhedzi Wo ri sumbedza uri two itwa hani. Wo ri ranga phanda. Wo ri sumbedza uri zwi itwa hani: u ḫanganedza Ipfi ngomu hashu, huno ra vha na ngoho ya uri ri farelele kha ilo Ipfi, “Ho nwaliwa,” kha mulingo muñwe na muñwe; fhedzi ra diñukufhadza, ra tshimbila nga u diñukufhadza. Zwenezwo ro kunda, nga Iwe, nga maandja Au o no kundaho swina lashu. Huno tshithu fhedzi tshire ra tea u ita ndi—ndi u tou tshimbila nga u diñukufhadza nga lutendo, ri tshi li tenda Ilo, na betsho yashu ya u dibadekanya na Muya Mukhethwa, huno Sañane u tea u sudzuluwa.

¹⁸² Hu na zwisagaduku hafha. Zwo imela vhathu vha lwalaho. Vha a shaya, Murena. Huno vho vhala kha ili Ipfi li sa kundelwi he vha dzhia zwisagaduku na dzifasikoti muvhilini wa Paulo Mukhethwa. Zwo vhewa kha vhathu vha lwalaho. Mimuya miyhi ya bva khavho, huno ha itwa mađembe mahulwane. Zwino, U Murena Yesu onoula muthihi ḫamusi.

¹⁸³ Paulo o rera ili Ipfi, huno a nwala ili Ipfi, Ipfi leneli lithihi line ra khou lingedza u li tevhela. Ngauri, o dzhia Testamente Ndala huno a i vhumbelela, huno a sumbedza uri yo vha i tshifanyiso, uri Testamente Ndala yothe yo vha i tshifanyiso tsho fhelelaho tsha Ntswa. Oo Murena, ngavhe ri tshi tevhela iyo tsumbo.

¹⁸⁴ Ri vhaba Murena washu, zwe A ita. Huno ri a limuha uri, avho vhakhethwa vha Testamente Ndala, matsheloni ano, ri wanulusa uri vho ṭuwa. Musi Yesu o vuwa, vho ṭuwa Nae. Huno, Murena, ri tenda uri ri do ṭuwa musi A tshi lidza Porompita. Ri a zwi tenda, zwauri Muselwa u do ṭuwa nga ilo ḫuvha huno u do vha murado wa tshi—tshigwada tsha Vhaheberu Tshalo, huno, tshothe, hu do vha na Tshilalelo Tsha Tshimima Tsha Mbingano Vhugalani. Avho vhaba lindela.

Ri rabela zwino uri khathutshelo Yau na tshilidzi zwi vhaba kha riñe. Vhakundi, Murena, vhakundi, ri ḫulutshelwa

u vha vhone. Ri kunde. Murena Yesu, U kunda shango. Zwino ndi rabela uri U do tendela muthu muñwe na muñwe fhano, matsheloni ano, “U vhetshela dabo tshivhi tshiñwe na tshiñwe, u vhetshela dabo muhwalo une wa ri tanga nga ndila i leluwaho nga maanda, uri ri kone u gidima ri na vhusifhelembilu mbambe yo vhewaho phanda hashu.”

¹⁸⁵ Paulo o amba izwi, Khotsi ashu wa Tađulu, nga hangei kha Bugu ya Vhaheberu, zwauri, “Ri tea u vhetshela dabo muhwalo muñwe na muñwe,” iyo ndima ya 12, ye a amba hezwi, nga murahu ha musi o no sumbedza nga tsumbo, hangei murahu: avho vhe vha bvela phanda; avho vhe vha sa bvele phanda; avho vho tevhelaho vha tshi tou dudela; avho vho tevhelaho ngei phanda; avho vho mona-monaho murahu. Oo! O sumbedza dzitsumbo. Zwenezwo a rembuluwa huno a ri, “Kha ri vhetshela dabo muhwalo muñwe na muñwe, tshithu tshiñwe na tshiñwe tshitukułuku tshine tsha ri tanga, uri ri kone u gidima ri na vhusifhelembilu mbambe yo vhewaho phanda hashu; ro sedza Khae, murangi na mukhunyeledzi wa Lutendo lwasu, We a ri nea tsumbo.” Ri ita izwo matsheloni ano, Khotsi.

¹⁸⁶ Zwino, zwifhaļuwo zwashu two kotama, zwino tshekani nga vhuronwane vhukuma, vhukuma, vhuronwane vhukuma. Huno, zwenezwo, ivhani a fulufhedzeaho ngangoho. Zwi tou—zwi tou dzhia... Ndi zwenezwo fhedzi zwine zwa dzhia: u tsheka haļu na vhufulufhedzei haļu. Ivhani a re na vhusedzi vhukuma musi ni tshi khou tsheka zwino. “Mphenđe, Murena. Nndinge. Naa hu na vhuvhi kha nne? Arali vhu hone, Murena, i ri ndi vhu vhee fhasi, henehafha zwino. Afha fhethu, he nda kotamela fhasi, ndi aljari Yau. Ndi a vhu vhea fhasi, henehafha zwino, ndi vhea milenzhe yanga khaho. Musi ndi tshi tuwa, vhu khou yo lala henefho. Maanda a Malofha Au a do vhu la. Ndi ḥodou vha mukundi. Ndi na tshiñwe tshithu tshi no khou nndina, Murena. Ndi ḥodou kunda, matsheloni ano. Ndi nga kona, nga Iwe. Ndo vhudzwa izwo, nga Ipfi Lau. Ndi a tshi vhea fhasi zwino, Murena, nahone ndi vhea milenzhe yanga khatsho. Musi ndi tshi bva tshifhaļoni itsi matsheloni ano, ndi tshi tuwa, u ḫivha uri tsho vhewa ngomu ha ba—bafu la bilitshi ya Mudzimu. A tshi tsha do eleliwa na kathihi. Ndi do tshi bula zwino huno nda humbela khathutshelo.”

¹⁸⁷ Zwifhaļuwo zwashu two kotama, mađo ashu o valwa; mbilu dzashu dzi tshi khou elekanya, uyo ndi munango wa u ya kha maya zwino. Naa hu na tshiñwe tshithu tshine na ḥodou tshi vhetshela dabo matsheloni ano, tshiñwe tshithu tshine na ḥodou kunda? Huno no zwi lingedza nga maanda, fhedzi, matsheloni ano, ni khou tou yo litsha u lingedza. Ni khou tou yo ḥanganedza zwe A ita. Ndi ḥoda inwi ni tshi tou imisa tshanda tshaļu, na ri, “Murena, ndi ḥodou kunda. Tshiñwe tshithu tshi a nndina.”

¹⁸⁸ Murena Yesu, U vhona izwo zwanda. Zwino, sa mulanda Wau, ndi ima vhukati ha vha tshilaho na vho faho, ndi lat̄ekanya tshiñwe na tshiñwe tshi no khou dina avha vhathu na nne muñe. Huno ndi a zwi humbelā nga Dzina la Yesu Kristo, ri nga zwi sia hafha kha al̄itari ya Mudzimu, huno ra tuwa matsheloni ano, ro vhofholowa, sa vhakundi.

¹⁸⁹ Arali khaladzi dzashu dici songo vha na tshilidzi u rangani, ngavhe tshi tshi tendelwa zwino, Murena. Arali vhakomana vhashu vha songo vha na tshilidzi, ngavhe tshi tshi tendelwa zwino. Huno ngavhe, nga u ditukufhadza, mme na vhana vhawē, vhudzuloni ha u vha vha zuwaho. U a divha uri o dzula... Ndi mureri kha avho vhana vhañku. Vhutshilo hawe ndi tsumbo. Khotsi ndi tsumbo kha mme, ngauri ndi ene thoho ya nn̄du. Mme o vha a tshi khou lingedza u mu langa; na kathihi a nga si tsha zwi ita. Arali o vha a tshi khou mu shumisa sa methe wa fuloroni, na kathihi zwi nga si tsha itwa. Ndi ene mufarisi. Zwi tendele, Murena. Ngavhe izwi zwithu zweþhe zwi no ri khakhisa, Murena, zwi tshi þuswa.

¹⁹⁰ Ri—ri a dikumedza, Khotsi, ri tshi itela tshifhinga tsha vhutshilo tshire ra vha natsho nga phanda hashu, ri tshi divha izwi, zwauri ri tea u da magumoni atsho, nahone ayo nga u tavhanya. Ngauralo, matsheloni ano, ri dzhia itshi tshifhinga, nga murahu ha uyu Mulaedza. Ri dzhia tshifhinga, Murena, u da, ngauri ro rambiwa uri ri de. "Mbilaelo dzañu dici lateleni Khae, ngauri U a ni londa." Ndi a divha uri U a londa, Murena. Wo londa lwo edanaho u ri fela. Huno riñe ngangoho ri nga londa lwo edanaho u da huno ra þanganedza zwe Wa fela zwone.

¹⁹¹ Ri ite vhakhethwa, Murena. Ri dadze nga huswa nga Muya Mukhethwa. Ngavhe Muya Mukhethwa u tshi tou vhusa mbiluni dzashu, nga tsha vhuhulwane, uri ri do tshimbila, ri tshi hangwa zwithu zweþhe fhiraho, mupfudze na dope ye ra vhuya ra tshila khayo. Ri do gidimela he ra vhidzelwa hone ha mbidzo ya nthā, hune Zwedza zwashu zwi nga penya nga maanda nga u ðifha na nga u ditukufhadza, u swika mufhiri wa gondo a tshi nga ri, "Ngoyo Mukriste a dzulaho henefho kha uyo muvhundu. Uyo muthu, uyo musadzi, uyo munna, ndi dzuvha lo kumedzwaho zwa vhukuma la Mudzimu. Ndi vhavhuði nga maanda nahone vha na vhulenda nga maanda, tshifhinga tshoþhe ndi vha funaho na vhavhuði, nahone vha a pñesesa." Zwi tendele, Khotsi. Kha ri vhe vha re na muño, uri liphasi li kone u farwa nga ðora; zwi tendele, Khotsi; huno ri kunde zwithu zwa lino shango, na mbilaelo dza vhuno vhutshilo. Nga Dzina la Yesu Kristo. Amene.

Ndi a ...

Zwino kha ri tou imisa tshanda tshashu.

... Mutshidzi...

U vhidzani? “Idani nthā, ni tshi bva thopheni.” Vhutshilo ha nthā; Tshiñwe Tshithu tshi kha inwi, tshi khou ni kokodzela hangei. Naa ndi mini? Ndi Ene. Fhasi thopheni, maluvha mañuku; ni na Vhutshilo ngomu heneffo, vhu no khou fungelela u ða kha inwi. Uvho ndi hone vhune ha ni vhidza, “Idani nthā, ni tshi bva thopheni.”

Tevhelani, tevelani . . .

¹⁹² Zwino, naa ni khou amba zwenezwo? Zwino valani mañō añu.

Hune A nnyisa ndi ðo tevhela- . . .

Zwino dikumedzeni. Ambani zwenezwo, zwino.

Hune A nnyisa ndi do tevhela,
Hune A nnyisa ndi ðo tevhela,
Ndi ðo enda Nae, Nae, ndilani yoþhe.
Hune A nnyisa ndi . . .

Zwi tshi tou vha nga u ðifhelela zwino. Elelwani, lalani heneffo.

U nnyisa . . .

“Ndi ðo u ladza hafha, Murena. Ndi khou yo U tevhela, u bva zwino. Ndi a Li þanganedza. Ndi a Li tenda.”

Hune A nnyisa . . .

Elelwani, vhutshilo hanu vhu ðo þanziela ha ita phosho u fhira mulomo wañu. Zwine na zwi tshila zwi ðo sumbedza vhathu u fhira zwine na amba.

Endani Nae, Nae, (ndila, ngafhi?) ndilani yoþhe.

[Mukomana Branham u thoma u ñuñuna *Hune A Nnyisa—Mudz.*]

¹⁹³ Itonu ðinekedza, nga ngoho, nga u fulufhedzea, mbilu yanu yoþhe. Mini-ha arali itshi tsho vha tshi tshifthinga tsha u fhedza tshe na vha ni tshi ðo tendelwa u rabela? Tshi nga kha ði vha tshone. Ndi fulufhela uri a si tshone. Tshi nga ði vha tshone. Zwenezwo, ivhani na ngoho zwino, ngoho vhukuma, ngoho vhukuma. Elelwani, vothi li ðo vala, liñwe ðuvha, zwenezwo zwe fhela. “Humbelani, ni ðo þanganedza.”

[Mukomana Branham u thoma u ñuñuna *Hune A Nnyisa—Mudz.*]

¹⁹⁴ Itonu elekanya nga ha vhugala hoþe he A vhu ñekedzela inwi, tshiñwe na tshiñwe tshe A ita. “Ndi a tenda, Murena. Ndi a tenda. Ndi a tenda uri U mukundi wanga. Ndi tshimbila fhedzi na Iwe, Murena. Ndi ðodou dzula tsini na Iwe, uri hune Wa vha hone, heneffo ndi ðodou vha hone.”

¹⁹⁵ Huno elelwani, Wo ri vhudza, Khotsi, zwauri, “Ri ðo vha na Murena lwa lini na lini, musi ri tshi þanganedzwa nthā.” Ri tou vha na lu—luvhonela Lwawe zwino, musi A

tshi tshimbila na ri^{ne} zwino. Fhedzi zwenezwo ri do... Ndi tshithu tshihulwane-de nandi, u tou divha fhedzi uri U vhukati hashu—hashu! Naa zwi do vha mini musi ri tshi do vha Nae lwa lini na lini? Ri funa nga maanda mishumo yashu yo^{the}: ri a kona u bva ra yo namela; ri a kona u bva ra yo renga; ri a kona u yo zwima, u rea khovhe, kana tshiñwe na tshiñwe tshire ri nga kha di ita nga u diphina. Fhedzi, oo, musi kereke i tshi vula, ni a vhona, ri tqodou tanganedza Murena washu. Itsho ndi tshone tshihulwanesa tsha zwithu zwo^{the}. Zwenezwo, elekanyani, O ri fulufhedzisa. “Huno ri do vha na Murena lwa lini na lini. Ra dzula Nae ngomu ha khulunoni Yawe, huno ra vha Nae lwa lini na lini.” Oo Mudzimu, nga u ditukufhadza, na—na zwifhatuwo two kotama, ri a zwi tanganedza, Murena, nga Dzina la Yesu Kristo.

¹⁹⁶ Naa ni a pfa uri ni nga kona u tou sia, zwino, tshiñwe na tshiñwe, muhwalo muñwe na muñwe? Ni nga kona u tou pfuka, nga nthia hawo zwino? Arali ni tshi ita, imisani tshanda tshañu, ni ri, “Nga tshilidzi tsha Mudzimu ndi vhea uyu mulingo phasi. A thi tsha do lwa nawo, na kathihi. Ndi khou tou yo fara tshanda Tshawe, nda thoma u tshimbila.”

“Ndo lwa, Mukomana Branham. Ndo lingedza u litsha u daha. Ndo—ndo lingedza u litsha mavhudzi anga a tshi aluwa. Ndo lingedza u ita *itshi*. Ndo ita...ndo lingedza, nga maanda, Mukomana Branham. A thi tou kona u zwi ita.”

Ni songo zwi lingedza, na kathihi. Itonu fara tshanda Tshawe, ni ri, “Khotsi, Iwe vhea tshanda tshanga tshandani.” Ni a vhona? “Ndi khou tou yo U nea tshanda tshanga. Ndi khou yo tshimbila, Murena, ndo sedza kha Iwe.” Zwi do bvelela. Zwi do ni ambadza vhunga Mukriste wa vhukuma. Ni do vha Mukriste wa vhukuma.

¹⁹⁷ U swika ndi tshi ni vhona, madekwana a namusi, Mudzimu u a ni funa huno a vhe na inwi. Ni vhana vhanga vha Mafhungo-madifha. Ni vho rengiわaho.

Zwino ndi netshedza mufunzi waⁿ murahu kha inwi, uri a ri balanganye, Murathu Orman Neville.



NAA NDI NGA KUNDA HANI? TSV63-0825M
(How Can I Overcome?)

Hoyu Mulaedza nga Mukomana William Marrion Branham, u rangani wo ɻewa nga Tshiisimane nga matsheloni a Swondaha, Thangule 25, 1963, Thabereneakeeni ya Branham kha ja Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi halutshedzo ya Tshivena yo gandiswa huno ya phaaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ñwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org